

說文解字義證

說文解字第六

義證第十八

曲阜桂馥學

𣎵

日初出東方暘谷所登榑桑爻木也象形凡爻之屬

皆從爻而灼

切

日初出東方暘谷者宋本及舊刻李燾本作湯谷玉篇類
篇集韻並引作湯谷楚辭朝濯髮於湯谷天問出自湯谷
次于棠汜史記五帝本紀分命羲仲居郁夷日暘谷集解
云日出於暘谷索隱曰史記舊本作湯谷今並依尙書字
案淮南子曰日出湯谷浴於咸池則湯谷亦有他證明矣
漢書司馬相如傳右以湯谷爲界顏注湯谷日所出也許
慎云熱如湯也樂府前綴聲歌濯足湯谷波蜀都賦汨若
湯谷之揚濤劉逵注湯谷日所出也張協雜詩朝霞迎白
日丹氣臨湯谷阮籍大人先生傳朝餐湯谷夕飲西海陸
機演連珠臣聞鎖鑿吐火以續湯谷之晷思元賦朝吾行
於暘谷兮舊注暘谷日所出所登榑桑爻木也者本書
榑榑桑神木日所出也王觀國曰榑桑卽扶桑也爻木卽
連筠移叢書

靈石楊氏棊

若木也淮南時則訓東方之極自碣石山過朝鮮貫大人
之國東至日出之次樽木之地青上樹木之野太皞句芒
之所司者萬二千里注云樽木樽桑北堂書鈔引書有扶
桑記海外東經黑齒國下有湯谷湯谷上有扶桑十日本所
浴在黑齒北居水中有大木九日居下枝一日居上枝注
云湯谷谷中水熱也扶桑木也離騷總余轡乎扶桑注云
扶桑日所拂木也九歌照吾檻兮扶桑注云吾謂日也言
東方有扶桑之木其高萬仞日下浴於湯谷上拂其扶桑
爰始而登照曜四方河圖緯邪之隘上爲扶桑日出於暘谷於
氏春秋爲欲篇東至扶木淮南天文訓日出於暘谷浴於
咸池拂於扶桑是謂晨明登于扶桑爰始將行是謂朏明
地形訓扶木在陽州日之所噴注云扶木扶桑在暘谷之
南噴猶照也陽州東方西京賦日月於是乎出入象扶桑
與濛汜吳都賦經扶桑之中林包暘谷之滄沛五臣云扶
桑暘谷皆日出之所王逸曰木有扶桑松柏皆受氣淳矣
異於羣類者也後漢書張衡傳夕余宿乎扶桑注云扶桑
日所出在暘谷中其桑相扶而生見淮南子張載詩白日
隨天迴瞰瞰圓如規踴躍湯谷中上登扶桑枝劉孝綽詠
日詩弭節馳暘谷照檻出扶桑樓子志怪篇秦王遣徐
福求桑椹於碧海之中海中止有扶桑樹長數千丈樹兩

根同生更相依倚是名扶桑仙人食其椹而體作金光飛騰元宮也通典扶桑南齊時閻房廢帝永元初其國有沙門慧深來至荊州說云扶桑國在大漢國東二萬餘里地在中國之東其土多扶桑木葉似桐初生如笋國人食之實如梨而赤績其皮爲布爲衣神異經東方有樹焉高三十丈敷張自輔葉長一丈廣六尺名曰扶桑有椹焉高三尺五寸十洲記扶桑在碧海中上有天帝宮王公所治有椹樹長數千丈二千圍同根更相依倚故曰扶桑仙人食根體作紫色其樹雖大椹如中夏桑椹也九千歲一生實味甘香西山經木之有若注云大木之奇靈者爲若見尸子離騷折若木以拂日天問若華何光注云若木何能有明赤之光華乎淮南地形訓若木在建木西上有十日張融海賦西衝虞淵之曲東振湯谷之阿若木於是乎倒覆折扶桑而爲渣郭璞若木贊若木之生崑山是濱朱華電照碧葉玉津食之靈智爲力爲仁甘泉賦飲若木之露英魏文帝愁霖賦仰皇天而太息悲白日之不暘思若木以照路假龍燭之末光沈約桐賦豈慙光於若木傳休奕大寒賦扶木樵悴於湯谷若華若落于濛汜李鏡遠日詩始臨東岳觀俄升若木枝南齊書太祖紀光景時昏若華之暎彌顯楊慎曰江淹詩屬我幽景半賞爾若光初熾景掩

嵒之景若光
若木之光

籀文

蠶所食葉木從叒木

息郎切

釋木桑柳醜條 詩眠桑之未落其葉沃若桑之落矣其黃而隕 范子計然桑出三輔 通鑑張堪守漁陽百姓歌曰桑無附枝注云蠶月既采桑斫去繁枝畱其特長者則來年桑茂盛 益部耆舊傳何祇夢桑生井中趙直占曰桑字四十八君詩 不過此

蠶所食葉木者郭璞帝女桑贊罔客是采帝女所蠶

文二 重一

屮

出也象艸過中枝莖益大有所屮一者地也凡屮屮

屬皆從屮 止而切

出也者本書出進也象草木益滋上出達也先字從屮云
前進也象艸過中枝莖益大有所屮者本書中草木初
生也象屮出形有枝莖也稷
案有所屮者謂枝莖四出也

屮

艸木屮生也從屮在土上讀若皇

戶光切

本書封古文作屮與
此文同當有一誤

文二

屮

屮字古文見徐鍇木鐸曰屮者厚也與土義
同稷案本書屮象物出地挺生卽屮生意

遺文一

屮

周也從反屮而屮也凡屮之屬皆從屮周盛說

子谷切

周也者當爲屮本書屮而屮也成九年左傳泱辰之間而
楚克其三都杜注泱辰十二日也正義云泱爲周而也周

說文解字義登

卷十八

三

連筠移叢書

禮縣治象浹日而斂之謂周甲癸十日此言浹辰謂周子亥十二辰馥案晉逐齊師三周華不注言三而共山淮南人閉訓魯君令人閉城門而捕之圍三而漢書高帝紀遲明圍宛城三而通盤侯景繞臺城既而注云而周也

師

二千五百人為師從而自自四而眾意也

疏夷切

隱十年左傳取三師焉杜云師者軍旅之通稱 尚書大傳古之處師入家而為鄰三鄰而為朋三朋而為里五里而為邑十邑而為都十都而為師州有十二師焉鄭注州凡四十三萬二千家此蓋虞夏之數也

二千五百人為師者馬融說易師卦云二千五百人為師詩絳樸六師及之箋云二千五百人為師周禮夏官敘官二千有五百人為師小司徒五人為伍五伍為兩四兩為卒五卒為旅五旅為師五師為軍注云兩二十五人卒百人旅五百人師二千五百人軍萬二千五百人春秋隱二年無核帥師入極范甯云二千五百人為師何注公羊云二千五百人稱師禮天子六師方伯二師諸侯一師漢官儀二千五百人為師師帥一人 自四而眾意也者木書官下云自猶眾也此與師同意徐錯引春秋傳如山如陵有夫出征釋詁師眾也釋言師人也郭云謂人眾廣推師

師衆也風俗通義衆者師也易師卦彖師衆也乾鑿度師者衆也書堯典震驚朕師鄭注是驚動我之衆臣又師錫帝曰史記作衆皆言於帝詩韓奕燕師所完傳云師衆也文王殷之未喪師箋云師衆也哀五年左傳師乎師乎服注師衆也法言鳳之師師未成曰鳳師師而多鄭志荅趙商云師者衆之通名故人多云焉晉書天文志北落師門一星師衆也師門猶軍門也魯公子益師字衆父漢鄭衆字仲師

艸古文師

文二 重一



進也象艸木益滋上出達也凡出之屬皆從出

尺律切

釋名出推也
木書春推也

進也者易晉卦晉進也明出地上進木書晉進也日出萬物進象艸木益滋上出達也者本書生下云象艸木生出土上月令句者畢出萌者盡達

遊

遊也從出從放

五半切

本書放部
有放字

遊也者或作遊詩以遊以游韓策中國白頭
游敖之士後漢書梁鴻傳聊逍遙兮遊游

買

出物貨也從出從買

莫選切

出物貨也者玉篇廣韻並引作出物也復古編作出貨物
也韻注意就篇出曰賣入曰買從買者徐鍇本作買聲

糶

出穀也從出從糶糶亦聲

他弔切

出穀也者廣雅糶賣也史記平準書物踊騰糶索隱云糶
者出賣之名故食貨志云大熟則上糶三而舍一是也貨
殖傳販穀糶千鍾集解云糶出穀也論衡治期篇穀糶在
市一貴一賤東觀漢記第五倫作會稽郡雷一月俸餘皆
賤糶與民創贏者又宋宏受俸得鹽合諸生糶諸生以賤
不糶宏怒悉賤糶王隱晉書陶侃都督荊州秋熟輒糶至
饑復價糶之晉陽秋常平倉豐則糶儉則糶以利民也荀
氏家傳荀遂夫人有餘米糶之恆椽斛糶者傾量輒過本

斛隋書盧賁傳民饑穀米貴聞人糶而白糶之 糶亦替者當爲糶替

𦵏

𦵏 𦵏不安也從出泉聲易曰𦵏𦵏

五結切

𦵏 𦵏不安也者木書隍下云班固說隍不安也廣雅𦵏𦵏危也考工記穀大而短則𦵏鄭注擊讀爲𦵏謂輻危也 易曰𦵏𦵏者困卦文徐錯本有困于赤芾四字案困卦困于葛藟于𦵏𦵏正義云𦵏𦵏動搖不安之貌釋文云𦵏說文作𦵏𦵏說文作𦵏云𦵏不安也復謂𦵏當爲別長笛賦巔根跼之𦵏別兮李善注𦵏別危兒

文五

艸

艸木盛艸艸然象形八聲凡艸之屬皆從艸讀若輩

符話切

艸木盛艸艸然者通作𦵏春秋有星𦵏入于北斗天文錄字星者甚氣四出曰𦵏字謂𦵏字然也又或作𦵏釋詁𦵏作也郭云𦵏然與作𦵏孟子則𦵏𦵏然興之矣又作芾廣雅芾芾茂也又作肺詩東門之楊其葉肺肺傳云肺肺猶

洋洋也上章傳云洋洋然盛貌又作悖莊十一年左傳禹
 湯罪己其興也悖焉注云悖盛貌又作勃法言淵鴛篇攀
 龍鱗附鳳翼與以揚之勃勃乎其不可及乎長笛賦氣噴
 勃以布覆兮上林賦岬然興道而遷義郭璞曰岬猶勃也
 又通作蒹詩皇矣臨衝蒹蒹傳云蒹蒹強盛也文十四年
 穀梁傳李之爲言猶蒹也上林賦曉曉艾勃文選勃作蒹
 李滂曰
 蒹音勃



艸木莛李之兒從艸界聲

千貴切

艸木莛李之兒者六書故易曰拔茅茹以其莛願
 野王曰艸木四舒莛李之兒今俗作藁又作藁



艸有莖葉可作繩索從艸糸杜林說艸亦朱市字

蘇各

切

艸有莖葉可作繩索者玉篇糾繩曰索顏注急就篇索總
 謂切撚之令緊者也一曰麻絲曰繩草謂之索小爾雅廣
 器箱索也大者謂之索小者謂之繩書五子之歌若朽索
 之馭六馬詩七月宵爾索綯箋云夜作絞索 艸亦朱市

字者市當作市或作市詩曹
風三百赤芾小雅朱芾斯皇

卽

寧也從東人色也從子論語曰色孛如也

捕妹切

寧也者魏文帝柳賦上扶疏而孛散夏小正拂桐芭傳云
桐芭始生貌拂拂然馥素拂孛字聲相近論語色勃亦作色
艷人色也從孛者色當爲包本書包象人裹好已在中
象孛子未成形也孛或作孛玉篇孛孛孛廣韻孛孛孛也映
孛映也靈樞經育之原出於孛映史記倉公傳客孛正義
云孛亦作胞廣雅人四月而胞壯子外物篇胞有重闕注
云胞腹中胎漢書外戚傳善臧我兒胞顏注胞謂胎之衣
也論語云云者後人加之本書艷下引論語色艷如也

卽

止也從東盛而一橫止之也
卽里切

止也從東盛而一橫止之也者廣韻
市止也從市一橫止之出文字音義

艸

艸木至南方有枝任也從東羊聲

那含切

艸木至南方有枝任也者艸木上當有任也二字南任聲
相近廣雅南任也白虎通禮樂篇南之爲言任也任音萬

物又云南方者任養之方萬物懷任也尙書大傳南方者
何也任方也任方者物之方任周語五閩南呂贊陽秀也
韋云南任也陰任陽事助成萬物也樂說南夷之樂曰任
注云南者任也盛夏之時物皆懷任矣孝經鉤命決南夷
之樂曰南明堂位任南蠻之樂也淮南天文訓音比南呂
高云南任也月令章句仲秋中南呂南任也三禮義宗夏
大也謂萬物長大也夏謂南者南任也尸子夏爲樂南方
爲夏夏與也南任也是故萬物莫不任與蕃殖充盈樂之
至也漢書律歷志太陽者南方南任也陽氣任養物於時
爲夏又云位於申在七月南呂南任也言陰氣旅助夷則
任成萬物也五經通義南夷之樂曰任陽氣盛用萬物懷
任故謂之任徐鍇曰南方主化育故曰有枝任也白虎通
火在南方陽在上萬物垂枝覆案木書藥木至西方戰樂
是艸木至四方各有古言今不可悉知矣通作男昭十三
年左傳鄭伯男也賈注男當作南謂南面之君案男亦訓
任大戴禮本命篇男者任也男子者任天地之道禹貢二
百里男邦傳云男任也任
王事者環濟要畧男任也

古文

汗簡引
作𦵏

文六 重一

𦵏

進也象艸木生出土上凡生之屬皆從生

所庚切

易繫辭天地之大德曰生

戴禮本命篇象形而發謂之生

進也者書盤庚汝萬民乃不生生王肅注生生進進又往哉生生傳云自今以往進進於善又敢恭生生傳云敢奉用進進于善者又生生自庸傳云當進進皆自用功德太元進陽引而進物出溱溱象艸木生出土上者廣雅生也

𦵏

艸盛半半也從生上下達也

敷容切

艸盛半半也者廣韻半半皆美好詩子之丰兮傳云丰豐滿也箋云面貌丰丰然豐滿

𦵏

生也從生彥省聲

所簡切

說文解字義證 卷十八

七

連管移叢書
靈石楊氏琴

生也者信二年左傳屈產之乘服注產生也周禮大宗伯以禮樂合天地之化百物之產注云能生非類曰化生其種曰產

豐

豐大也從生降聲

力中切

成二年左傳齊侯圍龍史記晉世家齊伐魯取隆索隱引劉氏云隆卽龍也魯北有隆山

豐大也者易豐卦豐大也澤山宛中隆郭云山中隆郭云山中央高巖二十九年左傳擇善而舉則世隆也杜云世高也漢書王莽傳臣莽夙夜隆就孺子注云隆長也言成就之使其長大也漢孝殤皇帝諱隆古今注曰隆之字曰盛懷案本書於後漢諸帝名皆諱此獨不諱以帝二歲殤未成人也

狝

艸木實狝狝也從生豨省聲讀若緞

儒佳切

艸木實狝狝也者本書豨從此云艸木華垂兒 豨省聲者徐錯本作豕豕一切經音義十六狝字從生從豕聲

𡗗

衆生竝立之兒從二生詩曰𡗗𡗗其鹿

所臻切

衆生竝立之兒者聲類注聚兒 詩曰性性其鹿者大雅
桑柔文傳云性性衆多也箋云其鹿相羣耦行性性然衆
多

文六

𦍋

六書故引唐本豐從豆從山𦍋聲本書豐古文從𦍋韻會
中說文本作𦍋不知所據何本錢君大昭藏古瓦單文作
𦍋

遺文一

𦍋

艸葉也從𦍋穗上貫一下有根象形凡𦍋之屬皆從

𦍋 陽格切

𦍋字古
文從此

從艸穗上貫一者徐錯木無從
艸二字錯目上葉也一枝也

文一

艸木華葉艸象形凡艸之屬皆從艸

是爲切

中從艸省艸象其穗此艸當如禾頭偏左若偏右則與出之
曲頭不能上者何異出木欲上者故偏右艸華葉下艸者當
偏左故古文作𠄎其頭偏左
也艸從艸漢華山亭碑作𠄎

古文

木書我下云𠄎古艸字我古文作
或說謂𠄎與𠄎形近𠄎與𠄎形近

文一 重一

艸木華也從艸𠄎聲凡𠄎之屬皆從𠄎

況于切

從艸則頭
當左向

艸木華也者集韻引作艸木華葉也
易枯楊生華詩昔我往矣黍稷方華

華或從艸從夸

釋草華芎也郭云今江東呼華爲芎 方言齊楚之間或謂
之華或謂之芎 徐鍇曰爾雅芎芎其實芎芎莖頭皆有莖
名芎芎卽其實也 錯以爲艸木之將生葉先
生細葉蔚然如鳩頭也 臺若今人言菜臺也

華

盛也從芎聿聲詩曰芎不華華

子鬼切

盛也者廣雅同彼作華 詩曰芎不華華者詩小雅常棣
文木書無華字彼作鄂傳云鄂猶鄂鄂然言外發也 華
光明也

文二 重一

華 榮也從艸從華凡華之屬皆從華

戶瓜切

漢韓勅碑作
華其首左向

說文解字義證 卷十八

九

靈石楊氏某

榮也者廣韻華艸盛也釋艸木謂之華艸謂之榮貞
小正九月榮鞠淮南時則訓秋行夏令華行春令榮

𦵏

艸木白華也從華從白

切 筠輒

艸木白華也者李善注西都賦引作艸木白華兒木皆肥
艸粵之白也漢書禮樂志華燁解固靈根左思白髮賦子
觀橋袖一稿一醉貴
其素華匪尙維葉

文二

𣎵

木之曲頭止不能上也凡禾之屬皆從禾

古今切

木之曲頭止不能上也者篇海引作木枝廣韻禾
木曲頭不出通作稽史記有滑稽傳言能曲說也

𣎵

多小意而止也從禾支只聲一曰木也

職雉切

一曰木也者廣韻積曲枝果也六書故今亦作枝枸又謂
白石又謂屈漢腳指以其實似指也人亦取以代飴作齋
能醕酒陳穢器引古今注木蜜生南方合體甜軟可噉味
如蜜老枝煎取汁倍甜止渴也宋玉風賦枳句來巢李善

曰枳何言枳樹多句似橘屈曲也
也馥案李誤以爲逾淮之枳



積榘也從禾從又句聲又者從丑省一曰木名

俱羽切

積榘也者明堂位俎股以枳注云枳之言枳榘也謂曲榘之也正義云枳榘之樹其枝多曲榘榘似之故云曲榘之也馥案鄭言枳榘卽積榘徐鍇所謂積榘不伸是也正義以木釋之似疏一曰木名者玉篇榘木曲支也果名今作榘內則芝栢榘注云枳榘也曲禮婦人之摯棋栢脯脩棗栗注云棋榘也有實今邳鄆之東色之正義云枳卽今之白栢李也形如珊瑚味甜美廣志枳榘葉似柳子似珊瑚其味如蜜十一月熟出南方大如指頭崔豹古今注枳榘子一名樹蜜一名木錫實形拳曲核在實外味甜美如錫蜜本草枳榘一名木蜜以木爲屋屋中酒則味薄此亦奇物唐本注云其樹徑尺木名白栢葉如桑栢其子作房似珊瑚核在其端人皆食之蜀本云字或單作枳晉矩云木名出蜀近酒能薄酒味江南人呼謂之木蜜也詩南山有栢傳云栢榘正義云栢釋木無文宋玉賦曰枳栢來巢則栢木多枝而曲所以來巢也陸璣疏云栢樹山木其狀如櫨一名栢竹高大如白楊所托山中皆有理

說文解字義證

卷十八

十

靈石楊氏棗

白可爲函板枝柯不直有子著枝端大如指長數寸噉之
甘美如飴八九月熟江南尤美今官園種之謂之木蜜占
語云枳椇來巢言其味甘故飛鳥慕而巢之木從南方來
能令酒味醇若以爲屋柱則一屋之酒皆薄詩詁柯木在
處有之其子生枝端橫折岐出狀似枳椇土人謂枳椇木
陳啟源曰案枳椇字又作積椇木草列其名曰蜜積椇曰
蜜屈律曰木蜜曰木瑚曰木錫曰雞距子曰雞瓜子其
木名又曰白石木曰金鈎木曰枳椇木曰交加木或言其
味或似其形也雷公炮炙論云斨單淡鹵如酒需
交注云交加枝卽蜜積椇也蓋此木能醇酒矣

文三

留

留止也從禾從尤行聲凡稽之屬皆從稽

古兮切

留止也者字林稽留也止也魏氏春秋御史中丞與洛陽
令相遇則分路而行不欲稽留左傳正義孫子兵書曰誓
稽之使失其先後謂稽留彼敵不時與戰使先後失其次
第尋陽記稽亭北瞰大江南望高岳淹留遠客因以爲名

卓

特止也從稽省卓聲

竹角切

特止也者通作卓論
語如有所立卓爾

榦而止也從楷省咎聲讀若皓賈侍中說楷榦榦

三字皆木名

古老切

楷榦而止也者玉篇引作榦而止也賈侍中說云云者本書楷木也讀若皓廣韻楷下云楷風扶杓木也南方草木狀棹樹榦葉俱似榦以其葉鬻汁漬果呼爲棹汁若以棹汁雜毳肉食者卽時爲雷震棹出高涼郡

文三

巢在木上曰巢在穴曰窠從木象形凡巢之屬皆從

巢

鈕交切

鳥在木上曰巢在穴曰窠者本書窠下云穴中曰窠樹上曰巢通俗文鳥居曰窠周書時訓解鵲始巢高士傳巢父以樹爲巢而寢其上故時人號曰巢父家語問禮篇夏則居榦巢注云有柴謂榦在樹曰巢

說文解字義證

卷十八

十一

通鑑卷一百一十五
靈石楊氏棊

𠄎 傾覆也從寸曰覆之寸人手也從巢省杜林說以爲

貶損之貶

方斂切

傾覆也者詩召旻我位孔貶傳云貶隊也檄案隊卽傾覆
意昭二十六年左傳且爲後人之迷敗傾覆而溺入於難
則振救之 寸人手也者本書尋下云寸度之亦手也寸
下云人手却一寸動臆謂之寸口 杜林說以爲貶損之
貶者漢書司馬相如傳適足以
卑君自損晉灼曰尋古貶字

文二

𣎵

木汁可以髹物象形𣎵如水滴而下凡𣎵之屬皆從

𣎵 親吉
切

續述征記古之𣎵園在中牟今猶有𣎵樹也梁王時莊周爲
𣎵園吏則斯地震宇記定遠縣漆園在縣東三十里其地東
西南北約方三百步唐天寶中尙有漆樹一二十株卽莊周
爲吏之處 隸續云說文𣎵象形如水滴而下賈山云𣎵塗

其外是也而漆泉綸紵椅榻梓漆之類經傳已多借用至今
反以柰爲古字漆沮之漆却有省其水者詩定之方中椅
桐梓漆西山經號山多漆櫻注云漆樹似栲也周禮載
師唯其漆林之征二十而五注云故書柰林爲漆林杜子春
云當爲柰林應璩與龐惠恭書頻見所上利民之術植濟
南之榆栽漢中之漆本草漆生漢中川谷圖經云今蜀漢
金峽襄欽州皆有之木高二三丈皮白葉似椿花似槐子若
牛李木心黃六月七月以竹筒釘入木中取之覆柰柰不生
於河右見晉書

涼武昭王傳

木汁可以髹物者書惟其塗丹臚傳云塗以漆丹以朱漢
書貨殖傳木器漆者千枚魚豢魏畧譬之朱漆雖無楨幹
其爲光澤亦壯觀也齊民要術凡柰器皆須以水淨洗於
日中曝之使乾凡木晝展玩箱椀之屬每經雨以布揩令
熱徹膠不動作光淨耐久劉氏新論和性篇良工塗柰緩
則難晞急則弗牢均其緩急使之調和則爲美也柰如
水滴而下者古今注柰樹以剛斧斫其皮開以竹管承之
汁滴管中卽成柰也本書羊名驪皮可以割柰南越志
綏寧山多柰樹高十餘丈刻柰常上樹端雞鳴日出之始
便刻之則有所得過此時陰氣淪陽氣升則無所獲也

髻

髮也從黍髻聲

許九切

急就篇革鞣髮漆抽黑蒼論語漆雕開古今人表作

彫案漆當作黍蓋彫黍之業後因爲氏髻其彫文也

黍也者廣韻髮以漆塗器或作髮鄉射記福髮注云髮赤
黑漆也周禮巾車駢車髮飾注云故書髮爲軼杜子春讀
爲黍坭之黍直謂髮黍也髮亦多黑少之色韋也史記貨
殖傳木器髮者千枚徐廣曰髮音休漆也漢書外戚傳其
中庭彫朱而殿上髮漆顏注以漆漆物謂之髮音許來反
又音許昭反今關東俗器物一再著漆者謂之捎漆捎卽
髮髻之轉重耳髮字或作髮音義亦與髮同今關西俗云
黑髮盤朱髮盤其音如此兩義並通韓非外儲客有爲周
君畫策者三年而成君觀之與髮策者同狀輟耕錄髮髻
法黑光云凡造碗碟盤盂之屬其胎骨則梓人以脆松劈
成薄片於旋牀上膠黏而成名曰捲素髮工買來刀剝膠
縫乾淨平正夏月無膠汎之患却湯牛皮膠和生漆微烘
縫中名曰捎當然後膠漆布之方加麤灰灰乃磚瓦摺屑
篩過分麤中細是也膠漆調和令稀稠得所麤灰過停令
日久堅實砂皮擦磨却加中灰再加細灰並如前又停日
久磚瓦車磨去灰漿潔淨一二日候乾燥方漆之謂之髻

漆再停數月車磨棹漆絹帛挑去漿跡纔用黑光黑光者
用漆斤兩若干煎成膏再用漆加上一半加雞子清打勻
入在內日中曬翻三五度如栗殼色人前項所煎漆中和
勻試節看緊慢若緊再曬若慢加生漆多人調藥調藥卽
鐵漿沐用隔年米醋煎此物乾爲末入漆中名曰黑光用
刷蘸漆漆器物上不要見刷痕停三五日待漆內外俱乾
置陰處晒之然後用指光石磨去漆中顆指光石雞肝石
也出杭州上柏三橋埠牛頭嶺再用籜粉次用布粉欠用
菜油傅却用出光粉指方明亮又朱紅云修治布灰一
如前不用棹漆却用膠朱桐某色然後用銀朱以漆煎成
膏子調朱如朱一兩則膏子亦一兩生漆少許看四時天
氣試簡加減冬多加生漆顏色間春秋色居中夏四五
秋七月此三月顏色正且紅亮又鯁水云好桐油煎沸以
水試之看躁也方入黃丹賦粉無名異煎一滾其水試如
蜜之狀合冷油水各等分杖棒攪勻却取磚灰一分斤灰
一分細麵一分和勻以前項油水攪和調黏灰器物上再
加細灰然後用漆
漆法如黑光法



漆坑已復漆之從漆包磬

匹兒切

秦境已復秦之者本書境以秦和灰而築也徐鍇曰境謂以骨灰和秦而爲秦之骨也集韻秦器先以府境之也

文三

束

縛也從口木凡束之屬皆從束

書玉切

易費卦束帛菱菱

詩束矢其搜又綱繆束薪

呂氏春秋

報更篇乃復賜之脯二束

淮南子荷纏束薪者曰九方堙

史記廉頗藺相如列傳燕畏趙

其勢必不敢畱君而束君歸趙矣

縛也者小爾雅廣言同本書縛束也廣雅縛束也釋名束

促也相促近也襄二十八年左傳士皆釋甲束馬注云束

也

束

分別簡之也從束從八八分別也

古限切

分別簡之也者束簡聲相近木書擇束選也釋詁束擇也

荀子修身篇束理也注云束與簡同詩簡兮簡兮箋云簡

擇也周禮趣馬簡其六節鄭云簡差也禮記王制簡不肖

以紕惡襄三年左傳楚子重伐吳爲簡之師杜云簡選練

文選七發練色賦曰李善引埤蒼練擇也或作揀廣雅揀擇也一切經音義五引埤蒼揀擇也侯瑛筆賦揀其音聲入分別也者本書入別也象分別相背之形

于

束

小束也從束开聲讀若繭

古典切

小束也者廣雅束也齊民要術麻葉欲小縛欲薄

刺

戾也從束從刀刀者刺之也

廣達切

本書雙足刺也偷刺也

也

也 廣象對刺高屋之形 戾也者李善注長笛賦引同淮南脩務訓琴或檢刺高注檢刺不正也刺向封事膠戾乖刺 從束從刀刀者刺之也者本書韋下云獸皮之韋可以束枉 戾故刺從束束而不受者刀也故從刀

文四

橐

小橐也從束困聲凡橐之屬皆從橐

胡木切

徐錯曰囊束縛囊囊之名在秋國語曰侯使於齊者囊載而歸作捆捆假借也囊之言滯也物雜則其中也廣韻囊大

束或作繩廣雅縛束也玉篇釋大束也釋器百羽謂之繩

書

囊也從囊省石聲

他各切

一切經音義十二云韞脊如囊因以名焉瓠案韞卽長楊賦之囊駝倍二十八左傳甯子職納囊館焉杜云囊衣囊正義云囊囊所以盛衣亦可以盛食宣二年傳云爲之篋食與肉實諸囊以與之是也

囊也者廣雅同詩釋文引本書云無底曰囊有底曰囊複案囊囊之制諸說不同卑倉有底曰囊無底曰囊案策策負書擔囊高云囊囊也無底曰囊有底曰囊蒼頡篇囊囊之無底者也文選序名益於釋囊五臣注囊有底袋也白帖有底曰囊無底曰囊漢書刑法志囊傑擅私爲之囊案顏注有底曰囊無底曰囊趙充國傳印家將軍以爲安世本持囊簪筆顏注囊所以盛書也有底曰囊無底曰囊陳啟源曰諸家釋囊囊各異約之有四說焉毛傳曰小曰囊大曰囊此一說也文選干寶晉紀論引詩呂向注云大曰囊小曰

囊與毛傳反此又一說也釋文引說文云無底曰囊有底
曰囊孫奕示兒編亦引之此又一說也廣韻囊無底囊漢
書刑法志注及趙充國傳注師古云無
底曰囊有底曰囊與釋文反又一說也

囊

囊也從囊省襄省聲

奴當切

囊

囊車上大囊從囊省咎聲詩曰載囊弓矢

古勞切

囊
本書隸
紐也

車上大囊者少儀甲有以前之則執以將命無以前之則
和囊奉冑注云囊發鎧衣也莊十年左傳蒙臯比而先犯
之杜云臯比虎皮正義云樂記云倒載干戈包之以虎皮
名之曰建囊鄒元以兵甲之衣曰囊囊也士喪禮設冒
囊之注云囊韜盛物者橈弓赴車不載囊韜注云囊甲衣
也詩曰載囊弓矢者周頌時邁文傳云囊韜也宣十二
年左傳引此詩杜注云囊韜也廣雅囊弓箠也詩彤弓受
言囊之傳云囊韜也昭元年左傳請垂囊而入杜注垂囊
示無弓晉語右屬囊韜韋注囊矢房後漢書
杜詩傳亦未得解甲囊弓也注云囊韜也

說文解字義證

卷十八

五

連筠蓀叢書

𡗗

張大兒從彙省𠂔省聲

符宵切

斤鼓文可以彙之佳楊及柳

彙張大兒者彙或作彙集韻彙張大貌 𠂔省聲者當為𠂔聲

文五

回

回也象回而之形凡口之屬皆從口

羽非切

通作圃釋名淮圃也圃繞揚州北界東至海也易繫辭範圍天地而不過注云圃匡郭也詩長發帝命式于九圍傳云九圍九州也正義云蓋以九分天下各為九處若規圓然王制天子不合圃注云言不四面圍之也莊子人閒世絜之百圍回也者史記楚世家康王寵弟公子圍徐廣曰史記多作回象回而之形者回當作口廣韻引文字音義口回也象圓而之形也史記高帝紀遲明園宛城三市

回

天體也從口巽聲

王權切

天體也者玉篇闕天體也天屬而地方易說卦乾爲天爲
闕周禮大宗伯以蒼璧禮天注云璧圓象天大戴禮曾子
子曰離而問之云乎單居離曰弟子不察以此敢問也會
子曰天之所生上首地之所生下首上首之謂圓下首之
謂方如誠天圓而地方則是四角之不揜也且來吾語汝
參嘗問之夫子曰天道曰圓地道曰方盧辯注道曰方圓
耳非形也禮記外傳王者冬至之日祭昊天上帝於圓丘
注云天體圓管子內業篇乃能載大圓而履大方注云大
圓天也文子自然篇天圓而無端故不能觀其形又云至
大者無形故天圓不中規楚詞天問闕則九重注云言天
圓而九重宋玉大言賦圓天爲蓋呂氏春秋序意篇爰有
大闕在上注云闕天也又闕道篇何以說天道之闕也構
氣一上一下闕周復雜無所稽留故曰天道闕日夜一周
闕道也月躔二十八宿軫與角屬闕道也構行四時一上
一下各與遇闕道也物動則萌萌而生而長長而大大
而成成乃衰衰乃殺殺乃絀闕道也雲氣西行云云然冬
夏不輟水泉東流日夜不休上不竭下不滿小爲大重爲
輕闕道也黃帝曰帝無常處也有處者乃無處也以言不
刑蹇闕道也人之竅九一有所居則八虛八虛甚久則身

數故唯而聽唯止聽而視聽止以言說一一不欲留而運
爲敗圓道也一也齊至貴莫知其原莫知其端莫知其始
莫知其終而萬物以爲宗望王法之以合其性以定其正
以出號令令出於主口官職受而行之日夜不休宜通下
究濺於民心遂於四方還周復歸至於主所國道也周體
曰方屬地圓屬天天圓地方天青黑爲表丹黃爲裏故天
象蓋覆中高四旁下也張衡靈憲剛柔始分清濁異位天
成於外而體陽故圓以動禁豷天文志渾天者立八尺圓
儀之度而具天地之象王蕃渾天說舊說天地之體狀如
鳥卵天包地外猶殼之裏黃也周回如彈丸故曰渾天言
其形體渾渾如也晉書天文志天圖如倚蓋宋書天文志
天體圓如彈丸虞尚穹天論天形如笠而冒地之表文選
補天詩恢

恢大圓



圓也從口專聲

度官切

圓也者字林團圓也纂要天圓而色元太元天道成規規
動周營漢書律歷志規矩相須陰陽位序圖方乃成班婕
妤好詩裁爲合歡扇團圓似明月通作搏考工記梓人小首
而長搏身而鴻注云搏圓也又通作搏詩素冠勞心搏搏

今正義云言憂思團結不解太元中次六月開其傳又通
作專漢書五行志睨再重赤而專宋玉九辯意專專之不
可化兮張衡思元賦志團團以應懸兮
誠心固其如結馥謂卽九辯之專專也

規也從口冎聲

似沿切

規也者孟子規矩方圓之至也古文苑篆勢爲學藝之范
關注云圓音旋規也所以爲圓通作指釋器環謂之指

回也從口云聲

羽巾切

回也者本書韻下云籀文靈閣有回回靈聲也通
作殷詩殷其雷云聲者本書云象雲回轉形

員全也從口員聲讀若員

王閉切

趙宦光長箋引本書圓音王
問切五經文字圓音運

圓全也者集韻類稿竝引作圓合也詩
長發箋云圓謂周也馥謂圓當爲環

轉也從口中象回轉形

戶恢切

轉也者詩雲漢昭回于天傳云回轉也釋畜同毛在房郭云別旋毛所在之名本書麟下云靈閣有回古文雲作回

象回轉形



古文



畫計難也從口從畝畝難意也

同都切

玉篇有古文作畧釋名圖度也畫其品度也書君身思其艱以圖其易詩崧高我圖爾居

畫計難也者釋詁圖謀也北堂書鈔引張衡圖序圖者心之謀畫之謀也哀二十六年左傳闢下有師君請六子畫注云畫計策史記張良曰誰為大王畫此計者燕世家齊人田生游乏資以畫干營陵侯澤服虔曰以計畫干之也鄒陽上吳王書故願大王審畫而已新序善謀篇雷侯善畫計策揚雄上書云以高祖之威靈困於平城時奇諂之士斥畫之臣甚衆典論漢武即位之初從王恢之畫設馬邑之謀顧炎武曰史記田榮傳無不善畫者莫能圖謂以橫兄弟之賢而不能存齊通鑑魏揚州刺史李崇謂士民曰可結後隨高人規自脫注云規圖也復謂規畫也圖從

口即規畫詩常棣是究是圖傳云圖謀聘禮君與卿圖事
注云圖謀也周禮小司寇孟冬祀司民獻民數于王王拜
受之以圖國用而進退之夫行人春朝諸侯而圖天下之
事注云王者春見諸侯則圖其事之可否也檀弓伯氏不
出而圖吾君注云圖猶謀也隱元年左傳無使滋蔓蔓難
圖也襄十年傳唯大國圖之杜云圖猶議也莊十三年公
羊傳君不圖與何云圖計也爾策順王圖之又云願王熟
計之非有先牛論圖畫安危釋言猷圖也郭云周官口以
猷鬼神祇謂圖畫王觀圖曰周禮謂制神之位次而爲之
牲器時服以圖之乃謀圖之圖非圖畫也郭注誤矣穰案
猷或作猶成八年左傳引詩猶之未遠是用大簡杜云猶
圖也詩言王者圖事不遠故用大道諫之 尚難意也者
本書尚

𠄎

回行也從口𠄎聲尚書曰罔罔升雲半有半無頤若

驛羊益切

尚書曰罔者洪範文王篇廣諷竝引作商書案本書凡引
洪範之文皆稱商書也彼作驛傳云驛氣落驛不連屬正

義云開部驛也故以為兆氣落驛不連屬落驛希疏之意也王肅云開在驛消滅如雲陰馥案鄭注洪範云五下之用謂雨濟開務克也又注周禮太卜引洪範曰雨曰濟曰開曰盪曰尅詩載駢齊子豈弟箋云弟古文尚書以弟為開開明也正義云古文尚書即今鄭注尚書是也無以弟為開之字唯洪範稽疑論卜兆有五曰開注云開者色澤光明益古文作弟今文作開賈逵以今文校之定以為開故鄭依賈氏所奏從定為開於古文則為弟故云古文尚書以弟為開開明也釋言楷梯發也舍人李巡孫炎郭璞皆云開明也馥素韓詩云發明也開升雲半有半無者釋洪範曰開之義也徐鍇曰洪範稽疑卜五日開曰莽說曰開者象氣絡繹不連屬也是半有半無也今卜者以兆體蒙晦不分為水兆亦其義也馥案集韻連上曰開開升雲半有半無容齋隨筆文獻通考並稱為逸書實繼師之舊說也



邦也從口從或

古惑切

邦也者廣雅同玉篇小曰邦大曰國論語邦君為兩君之好何必去父母之邦漢石經並作國

𡩺

宮中道從口象宮垣道上之形詩曰室家之𡩺

苦木切

宮中道者釋宮宮中街謂之壺孫炎本街作巷云巷舍間道也漢書敘傳究先聖之壺奧應劭曰宮中巷謂之壺文選魏都賦瓦巷壺術五臣注壺宮中巷也詩巷伯箋云巷伯奄官於宮中爲近故謂之巷伯正義引王肅說爾雅云今後宮稱瓦巷是巷者宮內道名也詩曰室家之𡩺者大雅既醉文傳云壺廣也箋云壺之言摑也室家先以相摑級已乃及於天下正義引王肅云周語叔向美單靖公引此章云壺也者廣裕民人之謂也

𡩺

廩之𡩺者從禾在口中𡩺謂之京方謂之京

去倫切

廩之𡩺者急就篇門戶非竈廩周京顏注困𡩺倉也詩胡取禾三百困兮傳云困者爲困考王記匠人困𡩺倉城注云困𡩺倉吳語困鹿空虛注云員曰困方曰鹿奈策困倉虛高注員曰困方曰倉又注呂氏春秋仲秋紀同李淳風注九章算術云困困廩也晉書天文志天困十三星困倉廩之屬也𡩺謂之困方謂之京者史記正義引作困者謂之困方者謂之廩荀子榮辱篇有困窮注云困廩也困曰困方曰廩廣雅京倉也



畜畜之閑也從口卷聲

渠篆切

畜畜之閑也者李善注精白馬賦引同又注宋白試衣引
 作卷獸閑也本書秦以殺閑養豕也半閑養牛馬閑也閑
 闌也檻一曰固玉篇固牛也廣雅欄固也廣韻固獸闌莊
 子齊物論似固釋文云言如羊豕之闌固也論衡佚文篇
 固中之鹿闌中之牛史記寶太后使袁固入固擊豕淮南
 主術訓故夫卷豕虎豹犀象者為之固檻漢書郊祀志其西
 則商中數十里虎固收乘傳固守禽獸張釋之傳上登虎
 固顏注固養獸之所也三輔黃圖獸固九彘固一在未央
 宮中顏氏家訓治家篇雞豚之善疇固之所生烈士傳朱
 亥請秦秦王使置亥於獸固中寰宇記雍州萬年縣秦獸
 固在通化門東二十五里秦
 王使置朱亥於獸固中即此



苑有垣也從口有聲一曰禽獸曰園

于救切

鄭注周禮敘官闕人云園御苑也 僖三年左傳齊侯與蔡
 姬乘舟于圃杜云圃苑也蓋魚池在苑中 周語圃有林池
 韋云圃苑也 白虎通圃天子百里大國四十里次國三十
 里小國二十里苑圃所以在東方何苑圃養萬物者也東方

苑所以生也詩云東有園草初學記二十四云漢有上林樂
游博望黃山後漢有鴻德畢圭靈崑廣成諸苑東觀漢記
桓帝延禧元年置鴻德苑後漢書初六年詔越嶲置長
州高望始昌三苑又命益州置萬歲苑後漢書平苑
李直京邦記建康縣北漢朝為桂林苑薛瑩後漢記靈帝
光和五年校獵廣成苑內河十二境簿洛陽城西有桑梓

苑

苑有垣也者初學記二十四引云苑有園曰回圃有也
有藩曰園有牆曰圃故秦風俗通園猶有也即木書之文
徐鍇曰苑其周垣名也園樹果菜也周禮有圃游之禁亦
樹以果菜也馥審徐語知其本亦作圃故以樹果菜釋之
詩正義園者圃之蕃夏小正正月圃有韭傳云圃也者園
之燕者也南朝宮苑記芳林苑一名桃花園西京雜記梁
孝王好宮室苑圃之樂築苑園莊十九年左傳取爲園之
圃以爲圃杜云圃園也圃苑也正義云豕宰賦云圃圃毓
草木鄭云樹果蔬曰圃園其樊也詩云折柳樊圃成十八
年築鹿園然則圃以藩爲之所以樹果蔬圃則築牆爲之
所以養禽獸二者相類故圃爲圃白帖築土爲圃植木爲
苑范注穀梁鹿圃云築牆爲鹿地之苑漢書東方朔傳斥

說文解字義證

卷十八

三

連筠篠叢書

而營之垣而園之三輔黃圖宮二觀十四在甘泉苑垣內

文選西都賦西郊則有上園禁苑林麓蔽澤陂馳連乎蜀

漢魏以周牆四百餘里五臣注周牆謂苑牆周市一切經

音義十九引字林有垣曰苑無垣曰園淮南本經訓侈苑

園之大高云有牆曰苑無牆曰園此說與眾異一日禽

獸曰園者初學記二十四引作養禽獸曰園御覽百九十

六引同徐錯本作禽獸有園增韻同木書苑所以養禽獸

也一切經音義十二引三蒼卷牛馬林木曰苑養禽獸處

日園詩靈臺王在靈園傳云園所以域養鳥獸也倍三十

三年左傳鄭之有原圃猶秦之有具圃也吾子取其麋鹿

以園敝邑若何杜云皆圃名正義云圃者所以養禽獸天

子曰苑諸侯曰圃周禮圃人掌圃游之獸禁疏云古謂之

圃漢謂之苑西周策見梁圃而樂之也高注畜禽獸曰苑

苑有林池曰圃也呂氏春秋慎小篇鴻集于圃又重己篇

昔先王之為苑圃園池也高注竝云畜禽獸之所大曰苑

小曰圃司馬相如騶虞頌般般之獸樂我君圃劉向九歎

熊羆羣而逸圃張衡東京賦悉率百禽鳩諸靈圃



籀文圃

后鼓文作
此闕字

𠄎

所以樹果也從口袁聲

羽元切

所以樹果也者增韻闕所以蔬果白帖闕樹果初學記二
十四楚橋柚園魏芳林園晉蒲陶闕此皆因草木樹果以
立名也急就篇闕菜果蔬助米糧詩將仲子兮無踰我園
無折我樹檀傳云園所以樹木也周禮太宰園圃毓草木
注云樹果蔬之屬季秋於中爲場樊圃謂之園呂氏春秋重
圃樹果蔬之屬季秋於中爲場樊圃謂之園呂氏春秋重
己篇注云樹果曰園引詩園有樹桃蜀都賦其園則有林
檉批杷橙柿棹棹桃函列樹李羅生百果甲宅異色同
榮朱櫻春熟素奈夏成紫黎津潤擣栗罇發捕陶亂潰若
播竊裂王褒雲陽記車箱阪下有黎園一項樹數百株青
翠繁密望如車蓋曹植田賦名果被園郡國志西夷有
荔枝園柚萬林樹收一百五十斛晉書和嶠有好李王濟
率少年詣園共啖淮陽先賢贊蘇航種藥後園梅樹下天
文要集匏瓜爲天子果園又天園主果實菜茹蓄儲水經
注元匏樹中地數頃有栗園三秦記漢武帝果園有大栗
殷仲堪游園賦落葉掩蹊果下成林顏氏家訓治家篇蔬

說文解字義證

卷十八

三

通字彙書
靈加揚氏棊

果之菑園場之所產 從口袁聲者風俗
通園拔也從口袁聲四略園公亦木園音



種菜曰圃從口甫聲
切博古

種菜曰圃者藝文類聚六十五引云樹果曰園樹菜曰圃
御覽百九十七引同初學記二十四引云圃樹菜也白帖
十一引云圃樹菜一切經音義一引蒼頡解詁種樹曰圃
種菜曰圃也山海經讚禹得鬼帥是樹是藝詩折柳樊圃
傳云圃菜園也又九月築場圃傳云春夏為圃秋冬為場
箋云場圃同地自物生之時耕治之以種菜茹至物盡成
熟築堅以為場周禮閭師任圃以樹事貢草木注云貢草
木謂葵韭果蔬之屬射義孔子射於矍相之圃注云樹菜
蔬曰圃論語請學為圃馬融曰樹菜蔬曰圃皇侃曰蔬猶
菜也種菜曰圃圃之言布也取其分布於地若種果實則
曰園圃之言蕃也種果於圃外為蕃盛也哀十五年左傳
舍於孔氏之外圃注云圃園莊子天地篇子貢過漢陰見
一丈人方將為圃畦鑿隧而入井抱甕而出灌文選蜀都
賦其圃則有蒟蒻菜萹瓜疇芋區甘蔗陽陸陰敷稷
案園圃種植對文則異散文則通鄭注周禮載師云圃樹
果蔬之屬魏畧顏裴為京兆太守起菜園此圃樹果園

種菜所謂散文則通也園圃又可竝稱王隱晉書張駿北城殖園果命曰元武圃從口甫聲者風俗通圃補也從

口甫

𠂇

就也從口大

於真切

詩皇矣因心則友傳云因親也昭二十年左傳昔夾鳩氏始居此地季荊因之有逢伯陵因之蒲姑氏因之而後太公因之孟子爲高必因邱陵爲下必因川澤淮南原道訓禹之決瀆也因水以爲師神農之播穀也因苗以爲教就也者廣雅同本書捫就也顏注急就篇因就也閔元年左傳親有禮因重固杜云能重能固則當就成之

𠂇

下取物縮藏之從口從又讀若臍

女治切

下取物縮藏之者玉篇因手取物也五音集韻同廣韻因因私取兒國語縮取舊物從又者又手也讀若臍者徐鉛木作籒

𠂇

獄也從口令聲

郎丁切

河圖武關山為地門

上為天高星主岡圍

獄也者王篇岡圍獄也華嚴經音義岡圍周獄名也白虎

通三王始有獄夏曰均臺周曰岡圍昭二十一年公羊傳若曰因

日士官夏曰均臺周曰岡圍昭二十一年公羊傳若曰因

諸者然舊說云即博物志周曰岡圍齊曰因諸是也月令

省岡圍蔡氏章句岡圍牢也岡圍止也所以止出入皆眾人所

舍也呂氏春秋仲春紀省岡圍注云岡圍法室漢書禮樂

志岡圍空虛應劭曰岡圍周獄名也顧注岡圍獄也岡圍也

故總言岡圍無繫於周文選魏都賦岡圍寂寥五臣云岡

也岡圍



守之也從口吾聲

魚舉切

守之也者賈誼書守圉扞敵之臣鄭注周禮司右引司馬

法弓矢圍今司馬法作弓矢禦疆謂守禦字古作岡圍者

岡之馮也後漢李固弟名岡當取守義通作吾漢官儀宰

尹下曰缺金吾吾禦也常執金革以禦非常韻會云案說

文岡守也岡圍圍也禦祀也今文岡為岡圍字岡

為牧岡字禦為守禦字經傳中相承用之久矣

八

繫也從人在口中

似由切

初學記二十引風俗通因適也言辭窮情得以罪誅適也書武成釋箕子囚又蔡仲之命囚蔡叔于郭鄰傳云囚謂制其出入 僖二十八年左傳執衛侯歸之于京師 實諸深室杜云深室則為囚室

繫也者廣維囚繫拘也釋言囚拘也郭云謂拘執詩泮水在泮獻囚傳云囚拘也鄭注周禮敘官掌囚云囚拘也主拘繫當刑殺之者月令省囹圄注云囹圄所以禁守繫者從人在口中者風俗通禮罪人實諸圜上故囚字為口守人馥案鄭注周禮閭胥云圜土者獄城也宋均注元命苞云作獄圜者象斗運司馬遷傳幽於圜土之中江淹上建平王書抱痛 囹圄舍憤獄戶

古

四塞也從口古聲

古慕切

四塞也者類篇引作四塞地鄭注周禮敘宮掌囹云囹圄所依阻者也國曰囹野曰險易曰王公設險以守其國明堂位四塞世告至注云四塞謂夷服鎮服蕃服在四方為蔽塞者月令完要塞倍二年穀梁傳夏陽者虞誦之塞邑

卷之四 四塞也從口古聲 古慕切

靈石楊氏

也注云其地險要故二國以爲塞邑史記蘇秦傳秦四塞之國也漢書婁敬說高帝曰夫秦地披山帶河四塞以爲固東都賦險阻四塞傅子蜀雖小區險固四塞崔鴻南涼錄青齊沃壤號曰東秦四塞之固可謂用武之國通鑑高歡以晉陽四塞乃建大丞府而居之注云太原郡之地東阻太行常山西有蒙山南有霍太山高壁嶺北阨東陁西陁關故以爲四塞之地洛陽地圖鞏在洛水之閉鞏固也言四面有山可以鞏固也



守也從口聿聲羽非切

守也者鄭注周禮秋官牧官環人云環猶圍也主圍賓客任器爲之守衛 聿聲者本書聿下云口啓此又從聿聲

當有 一誤



故廬也從木在口中 苦悶切

故廬也者尙書大傳行而無資曰乏居而無食曰困左思詠史詩落落窮巷士抱影守空廬 從木在口中者六書本義木在口中不得申也稷案此與 宋字同意本書宋居也從宀從木

𡗗 古文困

廣雅 槩機閣朱也 案以朱為門相之相

𡗗

廂也從口象豕在口中會意 胡切

亢倉子 獵豨虎者不于外困何則困非豨虎之窟也 或作
 廂音書左思傳門庭藩廂皆著紙筆楚詞九懷無正兮廂廂
 廂也者廣雅同一切經音義一困困解廂也釋名廂言人
 雜在上非一也或曰困言廂濁也急就篇解廂清廂糞上
 壤顏注困者曰其穢濁也論衡謹告篇凡相廂者或攷之
 薰隧或令之負豕二言之於除泉滂也孰是孰非後漢書
 李膺傳郡舍廂軒有奇巧注云廂軒廂屋從豕在口中
 也者一切經音義九蒼頡篇困豕所居也字從口豕在口
 中字意也方言荒困也注云謂蘭困也孟子既入其芝蘭
 注芝蘭也漢書王莽傳與牛馬同蘭顏注蘭謂遮蘭之若
 牛馬蘭圍也少儀君子不食困映注云周禮困作泰謂犬
 豕之屬也米穀者也晉語少凌于豕牢卓云豕牢廂也漢
 書五行志豕出困顏注困首卷豕之牢也魏畧韋繼困王
 侍婢生子王指之於廂中豬以噪噓之通鑑費黑曰困半

之物何足汲汲注云淵與同也豕所居也會意者後人加之



譯也從口化率鳥者繫生鳥以來之名曰囹讀若譌

五禾切

譯也者徐錯曰譯謂傳四夷及鳥獸之語也從口化者徐錯本作化替率鳥者繫生鳥以來之名曰囹者木書率捕鳥畢也徐錯曰化者誘禽獸也卽今之鳥媒也廣韻囹綱鳥者媒周禮翊氏掌攻猛鳥各以其物爲媒而倚之國策說射黃雀云公子王孫左挾彈右攝丸以其類爲招鮓二以其類招誘之射雉賦矚箱籠以揭鷹踞媒之變態徐反注媒者少養雉子至長狎人能招引野雉因名曰媒箱籠竹器盛媒者也三國典畧黃門郎張準有雉媒臨賀見而奪之桓階別傳詔曰其賜射鹿師二人并給媒蕭有射雉詩二月春羣動曹王俠姪媒通鑑隋王通曰問諷而怒者讒之囹也注云囹鳥媒也



囹或從絲又音由

廣雅囹圄也以圍訓則囹圄別爲字北戶錄云愚按說文曰率鳥者繫生鳥以來之名曰囹字林音由今獵師有囹也
是率鳥以下十二字爲囹字訓通作游射雉賦恐吾游之
晏起徐注游雉媒名江淮謂之游賦又云良游哢哢引之
規裏徐注良媒也言媒哢哢其聲誘引令入可射之規內也
復案雲南人猶呼游子又通作由呂溫由鹿賦野人摯鹿
而至者曰此由
鹿以誘致羣鹿

文二十六 重四

貝

物數也從貝口聲凡貝之屬皆從貝

王權切

物數也者詩正月無棄爾輔員子爾幅傳云員益也周禮
庾人止校人員選注云正員選者選擇可備員者平之史
記平原君傳願君即以遂備員而行矣漢書尹翁歸傳責
以員程顏注員數也漢武故事凡諸宮美人可有七八十
與上同輩者十六人員數恆使滿宋書博士員多至數
十八從貝口聲者九經字樣引本書作從口從貝

籀文從貝

籀文從貝

本書如下籀文從此篇下云古文賈

𠄎

物數紛𠄎亂也從員云聲讀若春秋傳曰宋皇郈

羽切

物數紛𠄎亂也者廣韻紛亂也王逸注招魂紛亂也漢書禮樂志羽旄紛紛燕策今齊趙絕可大紛已鮑云可成大亂老子傅奕本凡物𠄎𠄎范應元注𠄎物數亂也徐鍇曰禮記不損穫于貧賤當作此𠄎又通作云趙宦光曰易變化云爲省用云釋名雲猶云云衆盛意也又通作芸莊子萬物芸芸成元英疏云芸芸衆多也又作紕東都賦萬駟紛紕

文二 重一

𠄎

海介蟲也居陸名焱在水名蝸象形古者貨貝而寶

龜周而有泉至秦廢貝行錢凡貝之屬皆從貝

博益切

書顧命大貝傳云大貝如車渠正義云伏生書傳云散宜生之江淮取大貝如大車之渠是言大小如車渠也考工記謂車固爲渠大小如車固其貝形曲如車固故比之也藝文類聚八十四引六韜商王拘西伯昌於羨里太公謂散宜生求珍物以免君罪之九江得大貝百馮尚書大傳文王囚於羨里散宜生之江淮之浦而得大貝如車渠以獻紂毛詩義疏紫貝其白質如王紫點爲文皆行列相當大者有徑一尺六寸今九真交阯以爲杯盤寶物也漢書東方朔傳齒若編貝南州異物志交阯北海中有大文貝質白而文紫天姿自然不假雕琢磨瑩而光色煥爛又云乃有大貝奇姿難倚素質紫飾文若羅珠不應而瑩彩耀光流思雕莫加欲琢靡踰在昔姬伯用免其拘徐衷南方記班貝贏大者圍之得六寸小者圍之得五寸在於海邊捕魚人時有得之者交州記大貝出口南如酒杯小貝貝齒也善治毒俱有紫色廣州志貝凡有八紫貝最其美者出交州大貝出巨延州相貝經貝盈尺狀如赤電黑雲謂之紫貝素質紅黑謂之朱貝青地綠文謂之綬貝黑文黃畫謂之霞貝紫愈疾朱明目殺消氣郭表伏蛆蠱雖不能延齡增壽其禦害一也復有下此者鷹喙蟬脊以逐溫夫水無奇功

海介蟲也者一切經音義三引同又云謂螺貝是也介甲也執文類聚引作甲蟲詩甚伯成是貝錦陸璣疏貝水中介蟲也龜鼈之屬其文彩之異大小之殊甚衆古者貨貝是也孝經援神契江水出大貝西山經濠水其中多黃貝注云貝甲蟲肉如科斗但有頭尾耳經又云濁浴之水其中多文貝注云餘泉餘蜆之類也見爾雅馥案吳封禪國山碑餘蜆餘泉泰十有五漢書地理志厥棗織貝司馬相如博釣紫貝顏注並云貝水中介蟲古以爲貨也居陸名蜆在水名蝸者本書無蝸字釋魚貝居陸賦在水者蝸又云蠃小者蝸釋文贖字亦作蠃蝸本又作兩古者貨貝而貨龜者具下云古以貝爲貨則下云貝古之物貨也廣韻貝貨也廣雅龜貨也易或益之十朋之龜崔憬注元龜直二十大貝雙貝曰朋歸藏有人將來遺我貨貝盤庚具乃貝玉正義云貝者水蟲古人取其甲以爲貨如今用錢然詩錫我百朋箋云古者貨貝五貝爲朋周禮大行人要服其貢貨物注云貨物龜貝也又贖金貨罰注云貨泉貝也士喪禮貝三注云貝水物古者以爲貨江水出焉禮器諸侯以龜爲寶注云古者貨貝寶龜史記平準書農工商交易之路通而龜貝金錢刀布之幣興焉索隱云古者貨貝寶龜漢書食貨志元龜距冉長尺二寸直二千一百

六十爲大貝十朋公龜九寸直五百爲壯貝十朋侯龜七寸以上直三百爲幺貝十朋子龜五寸以上直百爲小貝十朋是爲龜寶四品大貝四寸八分以上二枚爲一朋直二百一十六壯貝三寸六分以上二枚爲一朋直五十幺貝二寸四分以上二枚爲一朋直三十小貝一寸二分以上二枚爲一朋直十不盈寸二分漏度不得爲朋奉枚直錢三是爲貝貨五品太元元規古者寶龜而貨貝後世君子易之以金幣鹽鐵論錯幣篇教與俗改幣與世易夏后氏以元貝周人以紫石後世或金錢刀布物極而衰終始之運也又云古者市朝而無刀幣各以其所有易無抱布買絲而已後世卽有龜貝金錢刀布之幣交施之也三輔黃圖金寶一銀二龜三貝四布寶五泉寶六凡寶貨六種二十八品海藥云貝子雲南極多用爲錢貨易郭璞贊先民有作龜貝爲貨貴以文采賈以小大簡則易賈犯而不過胡謂曰虞夏之世珠玉爲器飾寶藏而不爲貨貢龜則尊之曰納錫其不爲貨可知貝亦未聞爲貨爲貨自夏始鹽鐵論曰幣與世易夏后氏以玄貝易震之六二曰億喪貝書盤庚曰同位貝乃貝玉顧命大貝在西方傳云大貝如車渠伏生書大傳云散宜生之江淮取大貝如大車之渠鄭康成書傳云閭天之徒求盈箱之貝以賂紂周書王會

云若人元貝孔晁注云若人吳越之錢元貝班固曰也漢
會貨志言秦并天下龜貝始不爲幣則周固以貝爲貨此
元貝所以貢也周而有泉者白帖泉布言寶貨之行如
泉之布故名之爲泉錢神論錢之爲言泉也百姓日用其
源不置無遠不往無深不至宋書何尚之傳龜貝行於上
古泉刀興自有周周禮外府掌邦布之入出注云布泉也
布讀爲宜布之布其藏曰泉其行曰布取名于水泉其流
行無不徧泉始蓋一品周景王鑄大泉而有二品後數變
易不復識本制周禮敘官泉府故書泉或作錢周語景王
二十一年將鑄大錢韋云錢者金幣之名所以買買物通
財用也古曰泉後轉曰錢六韜武王入殷散鹿臺之金錢
以與殷民詩抱布買絲傳云布幣也箋云幣者所以買買
物也至秦廢貝行錢者執文類聚八十四御覽八百七十
竝引作行泉漢書地理志錢唐者曰泉亭史記高祖以吏
繇咸陽吏皆送奉錢三蕭何獨以五平準書至秦幣爲三
等黃金以溢名爲上幣銅錢誠曰半兩重如其文爲下幣
而珠玉龜貝銀錫之屬爲器飾寶藏不爲幣又云於是爲
秦錢重難用更令民鑄錢索隱曰顧氏按古今注云秦錢
半兩徑寸二分重十二銖漢書食貨志周景王更鑄大錢
文曰寶貨肉好皆有周郭秦并天下銅錢質如周錢文曰

半兩重如其文師丹傳會有上書言古者以龜貝爲貨今以錢易之民以故貧宜可改幣上以問丹丹對言可改章下有司議皆以爲行錢以來久難卒變易永明九年策秀才文龜貝積廢緡纏專用

貝

貝聲也從小貝

別

貝聲也者徐錯曰象連貫小貝相叩之聲也爾雅製貝飾軍容服物非特取其容兼取其聲政說文貨貝聲也顧案儀禮既夕薦馬纓三就周禮巾車錫契纓桓二年左傳繫厲游纓所言皆馬頸飾字當爲照取車貝之聲也從小貝者通作瑱釋言瑱瑱小也易旅卦旅瑱瑱詩節南山瑱瑱如亞傳云瑱瑱小貌

財

財也從貝有聲

呼罪切

財也者釋言文通俗文財帛曰賄聘禮賄在聘于賄注云賄賄也周禮大宰以九賦斂財賄又云商賈阜通貨賄注云金玉曰貨布帛曰賄隱十一年左傳凡而器用財賄無實於許文十八年傳冒于貨賄又云竊賄爲盜注云賄財也鄭語故寄擊與賄焉韋云賄賄也扶南傳徠貨布帛曰賄吳都賦縑賄紛紜劉注縑縑夷貨名也覆案以財賄人

說文解字義證

卷十八

天

靈石楊氏采

亦爲賄聘禮賄用束紡注云賄予人財之言也昭五年左傳出有賄賄杜云去則賄之以貨財穆天子傳賄用周室之璧注云賄贈賄也

財

人所寶也從貝才聲

昨裁切

人所寶也者易繫辭何以聚人曰財注云財所以資物生也書禹貢底慎財賦傳云財貨貢賦周禮大宰以九賦斂財賄宰夫乘其財用之出入注並云財泉穀也坊記先財而後禮注云財幣帛也禮器設於地財正義財物也各是土地之物馥案徐錯所謂國土所有也若吳費縞鄭貴紵也

賄

財也從貝化聲

呼臥切

賄也者易繫辭聚天下之貨書洪範八政二曰貨傳云貨賈用物漢書食貨志貨謂布帛可衣及金刀龜貝所以分財布利通有無者也李塋財貨銘財貨將至夢寐可尋或穢或施乃玉乃金穢可親與施可翫與政獻斯銘以激貪夫化聲者徐錯曰貨化也尙書賈遷有無化居廣韻引蔡氏化清經貨者化也變化反易之物故字有化也

賁

資也從貝為聲或曰此古貨字讀若貴

詭切

廣雅賁賁也
賁若賁賁也

資也者通俗文平時貨曰資或曰以下九字徐鍇本無
錯曰案字書云古貨字馥案化為聲相近故說亦作訛
讀若貴者貴非為之古音後人妄加

賁

貨也從貝次聲

卽夷切

貨也者廣雅同易旅卦旅卽次懷其資注云懷來資貨詩
板嘆亂蔑資傳云資財也周禮巾車設折入焉于賦幣杜
子春云齋讀為資資謂財也又外府共其財用之幣齋杜
云齋行道之財川也聘禮曰問幾月之齋鄭司農云齋或
為資秦策秦之楚者多資矣高云資財幣也陶氏賦官要
錄常侍有資者得為騎郎資滿五萬為常侍郎張釋之以
資為常侍郎

賁

貨也從貝萬聲

無販切

說文解字義證 卷十八

无

連筠翁書

或作贖廣
韻贖貨也

贖

富也從貝辰聲之忍切

富也者釋言文郭云謂隱賑富有馥業隱賑卽殷賑西京賦鄉邑殷賑薛綜注殷賑謂富饒也字林賑富也廣韻賑

贖也

賢

多才也者詩卷阿正義引作堅也又云以其人能堅正然後可以爲人臣故字從臣馥案本書以堅也古文以爲賢字能下云能獸堅中故稱賢能而彊壯稱能傑也廣雅賢堅也一切經音義十賢士之美稱也又多才也論語舉賢

才文六年穀梁傳君之使臣也使仁者佐賢者不使賢者佐仁者范云邵曰賢者多才也馥疑本書兼堅與多才兩義從貝取聲者一切經音義二十二賢士堅明故從貝又賢者國之寶用與貝同故從貝字意也馥伺曰賢貨貝多於人也記曰某賢於某若干純又曰馥其性之賢者於宗子引之則德行道執踰人者謂之賢

𦉳

飾也從貝弁聲

彼義切

飾也者廣雅同王肅說易賁卦云有文飾黃白色鄭云賁文飾之貌序卦傳賁者飾也致飾然後亨則盡矣京房易傳五色不成謂之賁書湯誥賁若草木傳云賁飾也詩白駒賁然來思傳云賁飾也徐邈音奔呂氏春秋壺行篇孔子曰得賁孔子曰不吉子賁曰夫賁亦好矣何謂不吉乎孔子曰夫白而白黑而黑夫又何好乎注云賁色不純也引詩躬之賁賁

𦉳

以禮相奉慶也從貝加聲

胡箇切

以禮相奉慶也者徐鍇本禮下存物字鍇曰史記漢高帝曰賀錢萬是也玉篇賀以禮物相慶知也周禮大宗伯以賀慶之禮視異姓之國韓詩外傳晉平公藏寶之壘燒公子晏子獨束帛而賀

𦉳

獻功也從貝工聲

古送切

獻功也者當爲獻也功也徐鍇本無功字有獻納總稱尊嚴六字廣雅貢獻也又云貢功也易繫辭六爻之義易以

說文解字義證

卷十八

三

連筠簞叢書

貢貢荀作功周禮鄉老及鄉大夫羣吏獻賢能之書於王
 大宰以八則治都鄙五曰賦貢以馭其用注云賦曰奉出
 泉也貢功也九職之功所稅也又云以九貢致邦國之用
 一曰祀貢二曰嬖貢三曰器貢四曰幣貢五曰材貢六曰
 貨貢七曰服貢八曰旂貢九曰物貢曲禮五官致貢曰
 享注云貢功也享獻也致其歲終之功於王謂之獻也

贊

見也者贊見聲相近新序謁者贊客東觀漢記建武之年
 置大鴻臚屬官有治禮員三十七人主齊饋贊漢雜事蕭
 田人為鴻臚卿不任賓贊月命太尉贊傑俊遂賢良注
 云贊猶出也遂猶進也從贊者本書贊進也贊從此

會

會禮也者劉逵注三都賦引蒼頡篇贖財貨也通作進史
 記呂不韋傳車乘進用不饒索隱云下文又云以五百金
 為進用宜依小顏讀為贖音才刃反進者賕也古字假借
 之也漢書高帝紀蕭何為主吏主進顏注進者會禮之財
 也字本作贖又作贖音皆同自古字假借故轉而為進費
 又音財忍反陳遵傳云陳遂與宣帝博數負進帝後詔云

會禮也者劉逵注三都賦引蒼頡篇贖財貨也通作進史
 記呂不韋傳車乘進用不饒索隱云下文又云以五百金
 為進用宜依小顏讀為贖音才刃反進者賕也古字假借
 之也漢書高帝紀蕭何為主吏主進顏注進者會禮之財
 也字本作贖又作贖音皆同自古字假借故轉而為進費
 又音財忍反陳遵傳云陳遂與宣帝博數負進帝後詔云

可以慎博進未其進雖有別解然而
所賄者之財致充會會義又與此通



持遺也從貝會聲

祖雞切

持遺也者史記索隱引同廣雅齋持也又云齋送也急就
篇妻婦聘嫁齋醮僮顏注齋者將持而遺之也聘禮記問
大夫之幣俟于郊爲肆又齋皮馬注云齋猶付也使者既
受命宰夫載問大夫之禮待於郊陳之爲行列至則以付
之也周禮掌皮歲終則會其財齋注云齋所給予人以物
曰齋今時詔書或曰齋計吏西周策王何不以地齋周最
以爲太子也高云齋進也史記甘茂傳王不如齋臣五
賊以廣河閒李斯傳此所謂藉寇兵而齋盜糧者也



施也從貝代聲

他代切

施也者易乾卦德施普也由禮太上貴德其次務施報文
十六年左傳宋饑竭其粟而貸之襄九年傳輸積聚以貸
襄二十九年傳宋饑出公粟以貸使大夫皆貸司城氏貸
而不書昭三年傳以家量貸而以公量收之老子貸且善
咸范應元注貸施也史記孟嘗君使人出錢於薛歲餘
不入貸錢者多不能與其息漢書郿額傳貸贖元元

貝

從人求物也從貝弋聲

他得切

從人求物也者一切經音義十五字林貨求也說文從人求也玉篇貨從人求亦無物字換書司馬相如傳從昆弟假貨陳湯傳家貧匱貨無節不爲州里所稱唐書盧杞傳高賈儲錢過千萬者貨其贏以濟軍通鑑李昱貨長安富人錢入千緡注云貨假貨也通作貨洪範衍貨周禮泉府凡民之貨者與其有司辨而授之以國服爲之息鄒司農云貨者謂從官借本賈也文十四年左傳盡其家貨於公有司以繼之釋文云貨音待又音志大戴記禮三本篇萬變不亂貨之則喪荀子貨作貳馥案貳貨之譌也齊策不貨而見足矣鮑云貨音貨從人求物也孟子又稱貨而益之漢書食貨志諸賈人未作貨貨賈買居邑貯積諸物史記王翦傳將軍之乞貨亦已甚矣木書蠙下云吏乞貨則生蠙馥謂蠙當作蠙急就篇貨貨賣買販肆便顏注以貨爲假與失之

賁

遺也從貝各聲

恪故切

遺也者鄭注周禮序官遺人云以物有所餽遺也一切經音義十七賂遺也謂以物相請謁也詩泮水大賂南金傳

云賂遺也。穰案：賂賂者，遣人貨賄以干之也。桓二年左傳：「賈其賂器於太廟，僖二十八年傳：曹伯之豎戾攜貨筮史。」使曰：以曹爲解，三十年傳：晉戾使醫衍敵衛戾，甯俞貨醫使薄其醜，不承。

贈

物相增加也。從貝朕聲。一曰：送也。副也。

以證切

物相增加也者，玉篇：贈，相贈也。以物加送也。詩：崧高以贈，中伯傳云：贈，增也。正義云：凡贈遺者，所以增長前人贈之財，使富增於本贈之言，使行增於義，故云贈增也。一曰：送也。副也者，本書：俗送也。擇言：賂送也。成八年左傳：凡諸侯嫁女，同姓賂，徐鉉曰：古者一國嫁女二國，往賂之，賂之言送也。副，兼也。義出於此。

贈

玩好相送也。從貝曾聲。

昨鄧切

玩好相送也者，一切經音義五引作：以玩好之物相送，曰贈也。廣雅：贈，送也。說苑：修文篇：玩好曰贈。春秋：說題辭：玩好曰贈。快其意也。贈，稱也。詩：雜佩以贈之。箋云：贈，送也。又謂陽何以贈之。路車乘黃，何以贈之。瓊瑰玉佩，傳云：贈送也。既夕記：凡贈幣，無常。注云：玩好曰贈。聘禮：公使婦，贈如覲幣。注云：贈送也。所以好送之也。士昏禮：若異邦，則贈如。

說文解字義證 卷十八

五

連筠簞叢書

夫送者以束錦少儀贈從者注玆云贈送也僖二十三年左傳贈之以馬二十乘注云贈送也史記南粵王賜陸生棗中裝直千金佗送亦千金韓詩外傳仲尼去魯贈之不與家珍

贈

送子也從貝皮聲

彼義切

送子也者玉篇贈也馥案今言地贈卽送子

贛

賜也從只鞞省聲

古送切

賜也者釋詁文彼作貢釋文云字或作贛同漢石經論語子贛今論語作貢史記仲尼弟子列傳亦作貢白虎通姓名篇或傍其名爲之字者間名卽知其字間字卽知其名若名賜字子貢論衡詰術篇其立字也展名取同義名賜字子貢說苑作子贛哀十五年左傳子服景伯如齊子贛爲介漢書五行志子贛觀焉顏注子贛孔子弟子端木賜也贛音貢急就篇龐賞贛顏注贛賜也賞贛義與得賜同淮南要畧一朝用三千鍾贛高云贛賜也一朝賜羣臣之費三萬斛精神訓今贛人贛倉高云贛音貢賜也水經注贛水云劉澄之曰贛縣東南有章水西有貢水縣治二水

之閉二水合贖
字因以名縣焉

贖
籀文贖

賚
賜也從貝來聲周書曰賚介秬鬯

洛帶切

賜也者釋詁文書揚誓予其大賚汝鄭注賚賜也詩烈祖
賚我思成傳云賚賜也書序帝釐下土馬注釐賜也詩釐
爾圭瓚傳云釐賜也又釐爾女士傳云釐子也正義引釋
詁釐子賜也腹案今爾雅作賚子賚釐聲相近少半饋食
禮來女孝孫郎讀來爲釐云釐賜也釋詁又云賚子也詩
序賚子也言所以錫子善人也又楚茨祖賚孝孫傳云賚
子也周書曰賚介秬鬯者文侯之命文彼作用
賚爾秬鬯一酋傳云當以錫命告其始祖故賜鬯

賞
賜有功也從貝尙聲

書兩切

賜有功也者書仲虺之誥功懋懋賞周禮大宰三歲則大
計羣吏之治而誅賞之呂氏春秋禁塞篇先王之法曰爲
善者

賞



子也從貝易聲

斯義切

子也者釋詁子賜也禹貢錫土姓史記作賜曲禮三賜不及車馬玉藻凡賜君子與小人不同日漢書蘇武傳陵惡自賜武使其妻賜武牛羊數十頭



重次弟物也從貝也聲

以鼓切

重次弟物也者李善注魏都賦引同漢書武帝紀受爵賞而欲移賣者無所流馳顏注許慎說文解字云馳物之重次弟也此詔言欲移賣爵者無有差次不得流行故為置官級也馳音弋賜反今俗猶謂凡物一重為一馳也匡謬正俗或問曰今俗重查布物一兩次謂之一曳兩曳何也答曰許氏說文解字云馳重次弟物也字林音弋鼓反此則與今所道相當又詩云葛之覃兮施于中谷莫莫葛藟施于條枚義兼訓移亦音為地益為延福其上亦重次弟之意焉蓋假借施字為之耳司馬相如上林賦曰馳邱陵亦其義也俗音訛舛故轉為曳亦猶輕易之易鄙俗或為曳音究其根本當言一馳兩馳今語亦有作此俗音者馥案或作馳集韻物重有次謂之馳

𧸛

有餘賈利也從貝贏聲

以成切

西川策臣嘗問溫面之利歲入十金周君得溫面其以事王者據百二十金是上黨無患而贏四十金通作贏楚蔣賈字伯贏帝王世紀昔伯翳爲舜主畜多故賜姓贏氏

有餘賈利也者韻會引徐鍇本賈有餘利也一切經音義十二字林贏有餘也廣雅贏餘也急就篇賈貨市贏匹幅全顏注言以資財賄貨市取贏餘之物昭元年左傳賈而欲贏而惡魯乎杜云言譬如商賈求贏利者不得惡誼魯之啓秦策珠玉之贏幾倍高云贏利漢書蕭何傳何送我獨贏錢二也顏注贏餘也

𧸛

贏也從貝刺聲

洛帶切

孟子富歲子弟多賴鹽鐵論苟非其人簞食豆羹猶爲賴民也

贏也者漢書音義引作利也史記高祖紀大人常以臣無賴晉灼曰無利入於家也音語君得其賴韋云賴利也衛策爲魏則善爲秦則不賴矣高云賴利也史記樗里子傳集解云賴利也音語已賴其地韋云賴贏也

說文解字義證

卷十八

𧸛

連筠筴叢書

負

恃也從人守貝有所恃也一曰受貸不償

房九切

屋部移日

恃也者韓詩無母何恃恃負也周禮大司馬負固不服注云負猶恃也吳語億負皆眾庶輩云負恃也秦策趙固負其眾又云王若負人徒之眾高注竝云負恃也史記武安侯傳武安負賞而好權又云栗姬負賞注云負恃也漢書韓安國傳負戎馬足顏注負恃也字或作負禮記禮樂負天地之情淮南詮言訓自負而辭助高云自負自恃也一曰受貸不償者李善注歐陽建臨終詩引同漢書鄧通傳通家尙負責數鉅萬三國典畧北齊主以鄴搆風園賜穆提婆於是官無蔬菜除買於人負錢三百萬

積

積也從貝宁聲

直呂切

積也者史記索隱引同一切經音義十四引同又云所以盛貯者也廣雅貯積也僖三年公羊傳無貯粟史記平準書索隱云蕭該按字林云貯塵也謂居積停滯塵久也漢書食貨志夫積貯者天下之大命也又云諸賈人貯積諸物楊雄傳素初貯厥麗服今應劭曰貯積也通作著史記貨殖傳積著之理又云子贖廢著鬻財於曹魯之間徐廣

曰子贛傳云廢居著猶居也著讀音如貯索隱云漢書亦作貯故案仲尼弟子列傳云子貢好廢舉與時轉貨資集解云廢舉謂停貯也又呂不韋傳此奇貨可居書益稷懋遷有無化居字又作儲周禮廛人注謂貨物儲藏於市中釋文云儲或作貯

副

副益也從貝式聲式古文二

而五切

副益也者匡謬正俗謂副貳字當爲福魏公卿上尊號碑以福海內欣戴之望從衣本書無此字廣雅貳益也釋言有貳也郭云何次爲副貳周禮小宰鄭司農注貳副也鄭大夫賢能之書內史貳之注云副寫其書司勳大功藏其貳注云貳猶副也哀六年左傳君異於器器貳不匱

賓

所敬也從貝宀聲

必鄰切

所敬也者廣雅賓敬也書洪範八政七日賓傳云禮賓客無不敬論語出門如見大賓倍三十二年左傳相敬如賓

貝

古文

賂

賈買也從貝余聲

武車切

賈買也者詩甫田箋云倉廩有餘民得賂賈取食之周禮泉府凡賂者祭祀無過旬日喪紀無過三月鄭司農云賂賈也司市以泉府同貨而效賂注云民無貨則賂賈而予之吳志播璋嗜酒居賈好賂品債家至門輒言後豪富相還宋書劉秀之傳時賂市百姓物不還錢通鑑梁邵陵王綸遣人執市賂賈錦綵絲布數百匹

世目貨也從貝世聲

神夜切

貨也者當為貨顏注急就篇賈賂也廣雅賈賂也史記高祖紀常從武負王媪賈酒肆昭曰賈賂也汲黯傳從民賈焉索隱曰賈賂也漢書食貨志請賈人未作賈貨賈買居邑貯積諸物顏注賈賂也蕭何傳賂賈賈以自汗顏注賈賂也西京雜記司馬相如以所著鵠鴒委就市人陽昌賈酒東觀漢記江革客下邳人知其孝市買雖無錢任賈與之又云呂母釀醇酒少年來沽者皆賈與之

賈

以物質錢從敖貝敖者猶放貝當復取之也

之芮切

以物質錢者漢書賈誼傳家貧子壯則出資應劭曰出作
資增也顏注贅質也家貧無有聘財以身爲質也嚴助傳
民待賣爵贅子如淳曰淮南俗賣子與人作奴婢名爲贅
子三年不能贖遂爲奴婢顏注贅質也放者猶放貝當
復取之也者徐鍇木有一曰最三字鍇曰放者放也最者
出也附贅之義老子曰餘食贅行贅猶出也馥案玉篇贅
最也本書最
犯而取也

𠄎

以物相贅從貝從所闕之日

切

以物相贅者謂其物與所未正相當直也聘義君子於其
所尊弗敢質注云質謂正自相當小爾雅廣言質信也隱
三年左傳周鄭交質文六年傳由質要杜云質要券契也
周禮小宰以官府之八成經邦治七日聽賣買以質劑注
云質劑謂兩書一札同而別之長曰質短曰劑又質人大
市曰質小市曰劑注云質劑者爲之券藏之也秦策以順
子爲質高云質係也史記呂不韋傳子楚爲秦質子於趙
索隱云質音致今讀依此穀梁傳曰交質子不及二伯
左傳曰信不由中質無益也南齊書蕭
坦之傳檢家赤貧惟有質錢帖子數百

說文解字義證

卷十八

美

連筠移叢書

𠄎

易財也從貝𠄎聲

莫侯切

易財也者易當爲傷本書傷交傷通用易字一切經音義六三蒼買易也交易物爲買也字從貝𠄎小爾雅廣詁買易也釋言買市也又云買買也書益稷懋遷有無化居漢書作買詩抱布買絲燕策天下攻齊將與齊兼買臣鮑云買猶賣也虞詡爲武都守陳兵令從東郭出北郭入買易衣服

贖

贖也從貝賣聲

妹六切

贖也者當爲質玉篇贖贖也書舜典金作贖制傳云出金以贖罪詩黃鳥如可贖兮宣二年左傳宋人以兵車百乘文馬百駟以贖華元于鄒晉律贖厥金二斤失贖罪因罰金四兩

費

散財用也從貝弗聲

房未切

散財用也者論語君子惠而不費何晏注無費於財莊子庚桑楚志乎期費注云費耗也史記扁鵲傳故進百金者將用爲夫人
竊糶之費

求也從貝束聲

側革切

求也者謂求負家債物也書金縢是有丕子之責于天正義云責讀如左傳施舍已責之責謂負人物也周禮小宰聽稱責以傅別注云稱責謂貸子桓十三年左傳末多責賂於鄭成二年傳已責杜云乘通責成十八年傳施舍已責杜云止通責齊策誰習計會能爲文收責於薛者乎史記事成操右券以責漢書河陽侯陳信坐不償人責過六月免又云籒責注云書之於簿一責之又高帝紀歲竟兩家常折券乘責宋書王宏燔燒券書一不收責或作積一切經音義二責經文作債近字曰漢書龜錯傳賣田宅鬻子孫以償債谷永傳爲人起債分利受謝

賈市也從貝而聲一曰坐賣售也

公戶切

賈市也者當爲市賈聘禮賈人西而坐注云賈人括言知物賈者周禮小宰聽賈以質劑鄭司農云質劑謂市中平賈今時月平是也典絲掌絲人而辨其物以其賈揭之典婦功辨其苦反比其小大而賈之物書而揭之注云分別其緜帛與布紵之盛細皆比方其大小書其賈數而著其物天官敘官庖人賈八人注云賈主市賈知物賈又大

府賈十有六人疏云有賈者府官須有市賈師定物賈又賈師
善惡故也地官敘官賈師二十注云賈師定物賈又賈師
各掌其次之貨賄之治辨其物而均平之少儀觀君子之
衣服服劍乘馬弗賈注云平尊者之物非敬也又云臣致
淹於君則曰致廢衣於賈人注云賈人知物善惡也周禮
玉府掌凡王之獻金玉兵器文織良貨賄之物受而藏之
有賈八人昭二十五年左傳使爲賈正焉注云賈正掌貨
物使有長賈若市吏東觀漢記人馬席薦袴皆有成賈
或作估一切經音義六估字昔所無唯爾雅郭璞音義釋
言注中商賈作此字通鑑韋思謙曰估價之設備國家所
須臣下交易豈得准估爲定又云李進賢所給資裝多虛
估注云虛估其價給以他物又云王肅說侯景反輒停賈
市估注云市估應商旅之物入市者估其直而收稅
日坐賈售也者一切經音義六引作坐賈也急就篇賈貨
賈賈賈賈便顏注肆謂坐市行列也王補注疑錯曰商賈
小者坐列販賣注云列者若今市中賣物行也者益裂懋
遷有無化居傳云居謂所宜居積者交易其所居積懋
史記奇貴可居居廣韻作窟云窟儲詩谷風賈用不傳箋
云如買物之不傳釋文賈市也白虎通賈之爲言固固其
有用之物以待民來以求其利者也行曰商止曰賈漢書

胡建傳穿北軍單垣以爲賈區顏注坐賈曰賈爲賣物之
區也文選魏都賦不膏邪而頽賈五臣云通物曰商居賈
曰賈一切經音義六宋賈亦通諱也左傳荀榮之在是也
自賈人楮中以出史記陽翟賈人往來販賤賣貴是也說
案薛注西京賦坐者爲商行者爲賈書酒誥遠服賈傳云
載其所有求易所無遠行賈賣又兼賈賣二義桓十年左
傳其以賈禍成二年傳欲勇者賈余餘勇昭二十九年傳
平子每歲賈馬杜注茲云賈賈也論語求善賈而沽諸漢
石經沽作賈

商

行賈也從貝商省聲

式陽切

行賈也者一切經音義六引作行賈也玉篇通四方之珍
異謂之賈人也又云通物曰賈居賈曰賈白虎通商之爲
言商其遠近度其有無通四方之物故謂之商也易復卦
商旅不行鄭注資貨而行曰商管子小匡篇今夫商負任
擔荷服牛駱馬以周四方料多少計貴賤以其所有易其
所無賈賤賣貴周禮大宰商賈阜通貨賄注云行曰商處
曰賈又司市以商賈阜貨而行布注云通物曰商居賣物
曰賈賈二十三年左傳鄭商人弦高將市於周注云商行
兌之澤不義登

賈也六羊解詁古者有四民四曰通財粥貨曰商呂氏春
秋仲林紀來商旅注云市賤鬻貨曰商旅者行商也通典
周制以商通
貨以賈易物

販

買賤賣貴者從貝反聲
方願切

北史蜀土沃饒商販百倍
列仙傳朱仲會稽販珠
人也
古文苑僮約當為婦女未脂澤販於小市

買賤賣貴者者顏注急就篇賤買而貴賣之曰販周禮司
市夕市夕時而市販夫販婦為主注云販夫販婦朝賁夕

賣并語市賤鬻貴卓云市奴也鬻賣也趙策臣商不與人
爭買賣之費而謹司時賤而買雖貴已賤矣時貴而賣

雖賤已貴矣史記呂不韋傳呂不韋者陽翟大賈人也往
來販賤賣貴余廣云一本云往來賤買貴賣楊暉孫會

宗書方權賤販賤賤逐什一之利西京賦裨販夫婦薛綜注
裨販買賤賣貴以自裨益通鑑東晉侯於苑中立市使宮

人販者其為裨販注云裨益也買賤賣貴以自裨益故曰
裨販
反聲者荀子儒效篇反貨而為商賈揚倮注反商

販為

販為

買市也從网貝孟子曰登壘斷而网市利

莫蟹切

市也者顏注急就篇市買也又云出曰賣入曰買玉篇市買也廣雅市買也孟子曰登壘斷而网市利者彼云有賤丈夫勇必求龍斷而登之以左右望而网市利注云龍斷謂塚斷而高者也左右瞻視望見市中有利罔羅而取之

賤賈少也從貝莢聲

才線切

賈少也者戴侗曰賈公誦切周官司市以量度成賈賈師辨其物而均平之展其成而翼其賈使有恆賈漢書其賈市納賈注云賈謂物貴賤厚薄也論衡效力篇自術者賈賤不售或作價家語相魯篇三月則鬻牛馬者不儲價後漢書張讓傳各有差當之官者皆至西園請價

斂也從貝武聲

方遇切

斂也者本書租田賦也急就篇種樹收斂賦稅租顏注斂財曰賦方言賦動也郭云賦斂所以擾動民也又云燕之

北鄙東齊北鄙凡相賦斂謂之平均釋言賦量也郭云賦稅所以評量昔禹貢底慎財賦傳云致所慎者財貨貢賦言取之有節不過度又厥賦惟上上錯傳云賦謂土地所生以供天子正義云賦者稅斂之名微子降監農民用又斂釋文云斂謂賦斂也周禮大宰以入則治都鄙五曰賦貢以馭其用注云賦口率出泉也又云以九賦斂財賄注云賦口率出泉也今之算泉民或謂之賦此其舊名與鄉大夫以歲時登其夫家之衆寡辨其可任者國中自七尺以及六十野自六尺以及六十有五皆征之遂師之賦亦云以征其財征皆謂此賦也僖十五年傳於是秦始征晉河東置官司虜杜云征賦也襄二十五年傳量入修賦杜云量九土之所入而治理其賦稅昭四年傳鄭子產作邱賦服虔注賦此一邱之田出一馬三牛哀十二年公羊傳用田賦何休云田謂一井之田賦者斂取其財物也言用田賦者若今漢家斂民錢以田爲率矣漢書刑法志畿方千里有稅有賦稅以足倉賦以足兵顏注賦謂發賦斂財也複案給軍亦爲賦隱四年左傳敝邑以賦服虔曰賦兵也以田賦出兵故謂之賦鄭注周禮大司馬云賦給軍用者也又注小司徒云賦謂出車徒給繇役也論語千乘之國可使治其賦孔安國曰兵賦也左傳天子之老請

帥王賦又云悉索敵賦又云韓賦七邑又云魯賦八百
乘郭賦六百乘又云鄒無賦於司馬凡此皆謂軍賦

貪

欲物也從貝今聲

他舍切

欲物也者廣雅貪欲也釋名貪探也探入他分也詩桑柔
民之貪亂箋云貪猶欲也離騷眾皆競進而貪婪今注云
愛財曰貪呂氏春秋大樂篇天使人有欲人弗得不求
高注欲貪也又撰大覽暴戾頑貪注云求無厭足爲貪

貶

損也從貝從乏

方敘切

貶也者廣雅同急就篇賴救教解貶秩麻王注貶貶也隱
二年公羊傳何以不貶注云貶猶損也傷二十一年左
傳貶會省用中鑿時事篇公生貶則私利生注云言月俸
貶損則賄賂行矣顏氏家訓風操篇裴政出服問訊武帝
貶瘠枯槁通作靡論語古之矜也廉鄭云魯商廉爲貶又
通作辭周禮士師若罪因荒則以荒辯之法治之注云辯
當爲貶遭饑荒則刑罰困事有所貶損又通作辨玉藻立
容辨注云辨當爲貶自貶卑謂磬折也從之者徐錯本
作乏

分 財分少也從貝從分分亦聲

符巾切

財分少也者貧分聲相近一切經音義一引蒼頡篇無財
曰貧顏注急就篇貧無財者也論語貧而無諂皇氏曰乏
財曰貧淮南時則訓助貧窮注云無財曰貧新序節士篇
原憲曰憲聞之無財之謂貧分亦聲者徐鉉本作分聲
錯曰當言分亦聲徐鉉從而加之案本書凡
以部首爲聲乃言亦聲不在此例者無亦字

廩

古文從宀分

從宀者本非從宀無禮居也宀亦從宀貧
病也徐鍇曰原憲鹽廩桑柘是室家之貧也

庸

庸也從貝任聲

尼禁切

庸也者一切經音義六引作備也通作庸史記范雎傳臣
爲入庸貨漢書樂布傳寤困賣庸於齊司馬相如傳與庸
保雜作魏志韓暨庸積資秦策棘津之罾不庸高注賣
庸作不能自售論衡骨相篇周亞夫子買工官尙方甲府
五百被可以爲莽者取庸苦之不與錢庸知其盜買官器
怨而上告方言庸代也昭十六年左傳庸次比耦廣雅次

比代也凡此皆以庸爲備玉篇備賁也賁借備也廣韻備
備貨集韻頌作謂之備蔡邕勸學注云備賁力也莊子備
於人者孟氏曰備役也謂役力受直曰備詩蔽芾侯疆侯
以箋云以謂閔民今時備賁也周禮大宰閔民無常賦轉
移執事鄧司農云若今備賁荀子讓兵篇是其去貨市備
而戰之幾矣史記陳涉世家少時嘗與人傭耕索隱云廣
雉云傭役也謂役力而受雇直也說苑貴德篇吾有子九
人吾使傭而未返也又云於陵仲子辭三公之位而傭人
灌罔潛夫論德化篇視貧賤如傭客淮南說山訓被羊裘
而賃漢書匡衡傳傭作以供費用揚雄逐貧賦徒行負賃
續漢書班超隨母至洛陽常傭書供養東觀漢記班起家
貧爲官傭寫書又云姜詩與婦傭作養母又云桓榮常客
傭以白給又云梁鴻依大家皋伯通廡下爲賃舂伯通異
之曰彼傭貨非凡人也又云江革客東海傭賃以養父母
又云公沙穆變服客傭爲吳祐賃舂後漢書申屠蟠傭爲
漆工謝承後漢書侯瑾傭作爲賃又云施延周流傭賃又
云孔嵩傭於新野縣吏遺嵩爲范式導騎式勅縣代嵩
嵩以傭未竟不肯去吳志闕澤傳常爲人傭書以供紙筆
吳錄孟宗曰吾昔家貧親老爲官賃運晉中興書吳達書
則傭賃宋書郭世道傳家貧無產業傭力以養繼母齊書

蘇氏楊氏某

張敬兒備賃自給嘗為城東吳秦家擔水梁普馮道根傳
 備賃以養母隋書華秋傳事母備賃為養又沈光傳父兄
 竝以備書為事北史房景伯傳豈可使兄備賃以供景先
 也南史吳達晝則備賃夜則伐木世說袁宏常為人備載
 張溫白理曰秦繆公好牛百里奚因賃養牛以平之李燮
 別傳燮常逃匿臨淄為酒家傭李邵別傳至京學問常
 以賃書自給海內先賢行狀徐孺子往江夏齋席鏡具自
 隨每至所任賃磨取資汝南先賢傳李篤夜賃寫書又云
 侯瑾甚孤貧為人傭賃蕭廣濟孝子傳展勤與母居傭作
 供養又云申屠勳與母居家貧傭力供養又云施延賃為
 半路亭卒取月直以養母高士傳夏馥為冶工客作積傭
 三年留賃作不歸神仙傳仙人李八伯者欲授唐公房仙
 術乃為作傭客祖沖之述異記魏郡陳氏女惟一兄傭
 賃自活搜神記有張姬者常往周家傭賃又云郭巨與母
 出居客舍夫婦傭賃以給供養自帖王高書則傭賃夜則
 燒磚柳宗元送薛存義之任序向使傭一夫於家受若直
 怠若事則必甚怒而黜罰之矣通鑑羅尚與閻式書往日
 初至隨穀傭賃注云隨所往逐糧出力為人傭作賃亦傭
 也

賂

以財物枉法相謝也從貝來聲一曰戴質也

五音切

以財物枉法相謝也者徐鉛本無物字韻會及急就篇補注所引並同蕭該漢書音義引字林以財枉法相謝曰賂廣雅賂謝也急就篇受賂枉法忿怒机預注以財來事曰賂書呂刑五過之疵惟官惟反惟內惟貨惟來釋文來馬本作來云有來請賂也惠棟曰案漢盜律有受賂之條即書所云惟貨也又有聽請之條即書所云惟來也尹文子貧賤者有請賂于己史記滑稽傳人恐受賂枉法漢律諸爲人請求於吏以枉法而事已行者皆屬司寇漢書刑法志吏坐受賂枉法顏注吏受賂枉法謂曲公法而受賂者也東觀漢記彭寵故舊趙寬家屬依託寵居寬仇家有奸奴以賂寵寵貪之爲盡殺寬家屬後漢書第五倫傳於是爭賂抑絕注云以財相貨曰賂王符傳夫理直則特正而不撓事曲則詭意以行賂不撓故無恩於吏行賂故見私於法通鑑舊律枉法十匹罪次注云枉法謂受賂枉法而出入人罪者又云唐太宗患吏多受賂注云枉法受賂曰賂一曰戴質也者蒼頡篇戴請曰賂玉篇賂質也

賈

以財有所求也從貝犇聲

古侯切

靈戶楊氏某

以財有所求也者後漢書魯恭傳注引作以財相賂曰購
史記購吳王千金漢書高帝紀乃多以金購孫將顏注購
設賞募也後漢書光
武紀贈光武十萬戶



齋財卜問為貶從貝足聲讀若所

疏舉切

齋財卜問為貶者本書貞卜問也貝以為資詩小宛握粟
出卜箋云持粟行卜求其勝負故案嚴君平賈卜成都市
得百錢即下簾閉肆是問卜未有無所齋持者 讀若所
者字或作精楚辭巫咸將夕降兮懷椒精而要之王注言
巫咸將下願懷椒精要之使筮者占吉凶之事精音所淮
南說山訓巫之用精藉高注精祀神之米史記日者傳卜
而有不審不見奪精故案本書疋或曰疋字故諸書變貝
為米髮疋為疋南山經精用稌米郭璞音所莊子人閒世
鼓笑搗精釋

文精音所



小罰以財自贖也從貝此聲漢律民不繇貨錢二十

二 卽夷切

小罰以財自贖也者本書綸下云輸貨布也漢律民不
繇費錢二十二者一切經音義十三引作漢律民不繇費

宗

南蠻賦也從貝宗聲

祖紅切

九州記緜州之寶人旋人皆夷也揚雄蜀都賦東有巴賈

風俗通巴有賈人剽勇高祖爲漢王時問中人范目說高

祖募取賈人定三秦復除賈人盧朴沓鄂度夕裴七姓不供

租賦崔鴻蜀錄巴人謂賈爲賧遂因名焉及高祖爲漢王

始募賈民平定三秦更名其地爲巴郡通典梁州當夏殷

之開爲蠻夷之國所謂巴賈彭濮之人也又云盤瓠漢爲武

陵郡歲大人輸布一疋小口二丈是謂賈布燕周巴記夷

人歲入賧錢口四十謂之賈民袁宇記秦置黔中郡漢改

爲武陵郡歲令大人輸布一疋小口二丈是謂賈布賈才冬

反南蠻賦也又云高帝爲漢王發賈人還伐三秦秦地既定

乃造還巴中復其渠帥七姓不輸租賦餘戶乃歲入口錢四

十巴人呼賈爲賧謂之賧人焉晉書載記李特傳廩君立

城於夷城秦并天下以爲黔中郡薄賦斂之口歲出錢四十

巴人呼賈爲賧因謂之賧人焉及漢高祖爲漢王募賈人平

定三秦既而求還鄉里高祖更名其地爲巴郡三巴記閭
中有渝水賈民銳氣喜舞故高祖樂其猛銳數觀其舞使樂

人習之故樂府中有巴渝舞
通鑑龐義召漢昌資民爲兵

南蠻賦也者後漢書南蠻傳注引同本書帳南郡蠻夷賣

布廣雅資稅也風俗通檠瓠之後輸布一匹二丈是謂賣

布文選魏都賦資帳積塿五臣云資南夷稅名馮繼碑南

征五溪蠻夷收逋資布卅萬匹是邦雄傑碑有君將出征

及資布字唐張柬之論哀牢云資貨之資
不輸於大國陸龜蒙詩資稅有時輸紫貝

資 資也從貝齋聲齋古文睦讀若育

余六切

本音債

資也者本書衍行且賣也通作粥周禮巫馬馬馱則使其

賈粥之鄭司農云粥賣也曲禮君子雖貧不粥祭器注云

粥賣也王制用器不中度不粥於市又云田里不粥注云

粥賣也荀子儒效篇魯之粥牛馬者不豫賈又通作鬻檀

弓請粥庶弟之母釋文粥本又作鬻賣也昭三年左傳有

鬻踊者釋文鬻賣也孟子百里奚自賣自鬻於秦養牲者五羊


之皮倉牛注云又言百里奚自賣五股羊皮爲人養牛韓

非外儲說未可謂善鬻珠也鹽鐵論通有篇若各居其處

倉其倉則是橋柵不齊明肉之盤不出 商古文時者齋
當爲齋木書時下古文亦誤 讀若育者桓弓釋文弼音
奇

貝物不賤也從貝與聲與古文贛

居胃切

本書妻古文作尚古

文貴字汗簡引作尚古

物不賤也者漢書倉貨志苦惡賈貴昭三年左傳
屨賤踊貴 史古文贛者徐鍇木無九經字樣有



頸飾也從二貝

鳥莖切

頸飾也者本書嬰頸飾也貝其連也郭注山海經頸有白
嬰通作纓徐鍇曰纓夷連貝爲纓絡是也釋器婦人之棹
謂之縗郭注卽今之香纓也說文婦之纓注云婦人十五許嫁笄而禮
士昏禮主人入親說婦之纓注云婦人十五許嫁笄而禮
之因著纓明有繫也內則男女未冠笄者總角於纓皆佩
容臭又云於纓綦屨注云婦人有纓示繫屬也曲禮女子
許嫁纓注云女子許嫁繫纓有從人之端也韓非外儲說
鄒君好服長纓左右皆服長纓甚貴文選琴風纓微流芳

說文解字義證 卷十八

器

連筠籜叢書

釋名說馬鞅云鞅嬰也喉下稱嬰言纓絡之也又或作瓔
集韻瓔瓔瓔瓔瓔飾釋氏八戒亦不得著花瓔瓔瓔瓔瓔瓔
以瓔珠爲財寶或以綴衣爲飾或以懸頸垂百梁書林邑
國王著法服加瓔瓔如佛象之飾唐書天竺傳婦人項飾
金銀珠
纓絡

文五十九

重三